

四庫全書

經部

欽定四庫全書

經部

儀禮經傳通解續卷二十九

詳校官尚書臣德倬

給事中臣溫常綬覆勘

總校官進士臣繆琪

校對官監丞臣張曾炳

謄錄監生臣徐如灝

欽定四庫全書

儀禮經傳通解續卷二十九

宋 楊復 撰

祭義 祭禮十三

凡祭有四時春祭曰禘夏祭曰禘秋祭曰嘗冬祭曰烝  
謂夏殷時禮也禘禘陽義也嘗烝陰義也禘者陽之盛也嘗者

陰之盛也故曰莫重於禘嘗

夏者尊卑著而秋萬物成  
疏曰此一節明祭祀

重禘嘗之義人君若能明於其義可以為民父母今各  
隨文解之禘者陽之盛也者以禘祭在夏夏為炎暑故

為陽盛嘗者陰之盛也者以嘗祭在秋之時陰功成就故為陰盛冬雖嚴寒以物於秋成故不得以冬蒸對夏禘古者於禘也發爵賜服順陽義也於嘗也出田邑發

秋政順陰義也

言爵命屬陽國地屬陰疏曰爵命是生養之事故屬陽國地是土地之事故

屬陰故記曰嘗之日發公室示賞也草艾則墨未發秋政

則民弗敢草也

發公室出賞物也草艾謂艾取草也秋草木成可芟艾給農亨時則始行小刑

也

疏曰以記錄之前先有此記之文故作記者載此

前記之文所以言記曰也此記云嘗祭之日發出公室貨財以示賞也草艾則墨者謂初秋草堪艾給炊爨之時則行小刑之墨未發秋政則民不敢艾草也言夏節

雖盡人君未發行秋政則民不敢艾草也又曰案左傳云賞以春夏刑以秋冬此嘗之日發公室示賞者文各



有所對以賞對刑則賞屬春夏刑屬秋冬其實四時之間皆有賞故車服屬夏田邑屬秋出田邑之時亦有物也故觀禮秋時賜侯  
氏車服及篋服也故曰禘嘗之義大矣治國之本也

不可不知也明其義者君也能其事者臣也不明其義

君人不全不能其事為臣不全

全猶具也

夫義者所以濟志

也諸德之發也是故其德盛者其志厚其志厚者其義

章其義章者其祭也敬祭敬則竟內之子孫莫敢不敬

矣竟音境

濟成也發謂機發也竟內之子孫萬人為子孫

義若人君明之所以成就其志諸德之發也者發謂機發也諸衆也言義者是人君衆德之發謂諸衆人之德

發在於義是故其德盛者其志厚者謂人君道德顯盛則念親志意深厚若能念親深厚則事親祭祀其義章明顯著若能事親章明顯著則其祭也恭敬以此化下則竟內民之予孫無敢不恭敬其親矣以化於上故也是故君子之祭也必身親蒞之有故則使人可也雖使

人也君不失其義者君明其義故也

蒞臨也君不失其義者言君雖不自

親祭祭禮無闕於君德不損也

疏曰雖使人也君不失其義者君明其義故也言祭祀之時身既有故使人

攝之雖使人攝由君能恭敬不喪失於為君之義所以然者由君自明曉於禘嘗之義故也

其德薄

者其志輕疑於其義而求祭使之必敬也弗可得已祭

而不敬何以為民父母矣

疏曰其德薄者其志輕者言人君道淺義薄則其念親志

意不能厚重疑於其義至民父母矣者謂志意既輕疑  
感於祭祀之義皆不能盡心致敬身既危疑而欲求祭  
使之必敬不可得已

祭統

饗禘有樂而食嘗無樂陰陽之義

也凡飲養陽氣也凡食養陰氣也故春禘而秋嘗春饗

孤子秋食耆老其義一也而食嘗無樂飲養陽氣也故

有樂食養陰氣也故無聲凡聲陽也

食音嗣

言義同

而或用樂而或不

用樂也此禘當為禴字之誤也王制曰春禴夏禘

疏

曰此一節論饗禘食嘗有樂無樂之異饗禘有樂者饗

謂春饗孤子禘謂春祭宗廟也以其在陽時故有樂而

食嘗無樂者食謂秋食耆老嘗謂秋祭宗廟以其在陰

時故無樂無樂為陰有樂為陽故云陰陽之義也凡飲

養陽氣也凡食養陰氣也者此覆釋上文饗有樂而食

無樂之義以飲饗清虛養陽氣故有樂而食是體質養陰氣故無樂故春禘而秋嘗春饗孤子秋食耆老者此明饗禘在春為陽食嘗在秋為陰也其義一也者禘之與嘗俱是追慕饗之與食同是賞功其事無殊故云一也而食嘗無樂重結之也舉食嘗無樂亦應重結饗禘有云食嘗無樂重結之也舉食嘗無樂亦應重結饗禘有樂不言者從可知也飲養陽氣也故有樂者更置釋上文飲養陽氣饗有樂也食養陰氣也故無聲者置釋上文食養陰氣故無樂也凡聲陽也者釋所以饗有樂食無樂凡聲是陽也陽時為饗故有樂陰時為食故無樂也又曰依禮三代無春禘之文周則春曰祠王制夏殷之禮云春曰禘今云春曰禘故知禘當為禴此經所論謂夏殷禮也熊氏云此夏殷禮秋嘗無樂而下文云殷人先求諸陽則秋嘗亦有樂者謂殷人春夏祭時有樂秋冬則無也舉春見夏舉秋見冬也若周則四時祭皆有樂故祭統云內祭則大嘗禘升歌清廟下管象是秋

嘗有樂也案王制夏后氏養老以饗禮則夏家養老用  
春時有樂無秋食之禮殷人養老以食禮而秋時不作  
樂無春饗之禮周人修而兼用之則周人養老春夏用  
饗禮秋冬用食禮四時皆用樂故文王世子云凡大合  
樂必遂養老注云春合舞秋合聲下云養老之禮遂發  
咏焉登歌清廟是秋時養老亦用樂也皇氏云春是生  
養之時故饗孤子取長養之義秋是成熟之時故食耆  
老取老成之義熊氏云春饗孤子亦饗耆老秋食耆老  
亦食孤子而皇氏云此既破禘為禴故於鼎俎奇而籩  
豆偶陰陽之義也籩豆之實水土之品也奇居宜反  
水土之品言

非人常所食不取用麋味而貴多品所以交於旦明之義也

且當為神篆字之誤也疏曰此一節論鼎俎籩豆所  
法陰陽之事鼎俎奇者以其盛性體性體動物動物屬

陽故其數奇籩豆偶者其實兼有植物植物屬陰故其數偶故云陰陽之義也籩豆之實水土之品也者謂籩豆所克實之物皆是水土所生品類非人所常食也不敢用穢味而貴多品者覆釋籩豆所以用水土品族之意言不敢用藝美食味而貴重衆多品族也何意如此所以交接神明之義也神道與人既異故不敢用人之食味神以多大為功故貴多品鼎俎奇者案聘禮牛羊二豕三魚四腊五腸胃六膚七鮮魚八鮮腊九也是鼎九其數奇也又有陪鼎腳一也臠二也臠三也亦其數奇也正鼎九鼎別一俎俎亦九也又少牢陳五鼎羊一豕二膚三魚四腊五其腸胃從羊五鼎五俎又所俎一非是正俎也特牲三鼎牲鼎一魚鼎二腊鼎三亦有三俎所俎一非正俎不在數是皆鼎俎奇也有司徹陳六俎者尸及侑主人主婦各一俎其餘二俎者司馬以一俎羞羊肉湑其一俎司士羞豕肉湑此二者益肉之俎也此云鼎俎奇者謂一處並陳又籩豆偶者案掌客

云上公豆四十侯伯三十二子男二十四又禮器云天子之豆二十有六諸公十有六諸侯十有二上大夫八下大夫六案禮籩與豆同是籩豆偶也鄉飲酒義六十者三豆七十者四豆八十者五豆而奇數者彼是年齒相次非正豆也士喪禮注小斂一豆一籩者降於大斂又不同於吉故也籩人饋食之籩棗栗桃乾榛榛實凡有五物似五籩者熊氏云乾榛之中有桃諸梅諸則為六物實六籩也

特牲

郊

祭不欲數數則煩煩則不敬祭不欲疏疏

則怠怠則忘是故君子合諸天道春禘秋嘗

數色角反下同

志與不敬違禮莫大焉合於天道因四時之變化孝子感時念親則以此祭之也春禘者夏殷禮也周以禘為殷祭更為春祭曰祠疏曰此一節明孝子感時念親所以四時設祭之意合諸天道

者諸於也禘者陽之盛也嘗者陰之盛也陰陽氣盛孝子感而思念其親故君子制禮合於天道春禘秋嘗者舉春秋夏禘今云春禘故云夏殷禮案周禮大宗伯春祠夏禴今云春禘故云夏殷禮案王制春日禘則此春禘亦當為禘於郊特牲已注而禘當為禘則此春禘亦當為禘於郊特牲已注而破之故此霜露既降君子履之必有悽愴之心非不言也

其寒之謂也春雨露既濡君子履之必有怵惕之心

如將見之

愴初亮反怵勅律反惕化歷反非其寒之謂謂悽愴及怵惕皆為感時念親

也霜露既降禮說在秋此無秋字蓋脫爾為于偽反疏曰非其寒之謂也者言孝子於秋霜露

既降有悽愴之心者非是寒之謂有此悽愴者為感時念親也如將見之者言孝子於春雨露之時



必有怵惕之心焉。意想念親如似得見親也。春秋二時於文相互上云：悽愴下云：非其寒之謂此。怵惕之心下宜云：非其煖之謂。今怵惕之心下云：如將見之，則悽愴之心下亦宜云：如將見之。是其互也。但作記以秋是物去寒為甚，故不云：如將見之。但言寒也。春是物來煖，輕於寒，故云：如將見之。故不言煖之謂也。先秋後春以涼悽愴之甚，樂以迎來哀以送往，故禘有樂而嘗無樂。迎故先言之。樂以迎來哀以送往，故禘有樂而嘗無樂。迎而樂樂親之將來也。送去而哀哀其享否不可知也。小言之則為一祭之間。孝子不知鬼神之期，推而廣之，放其去來於陰陽。放方往反。疏曰：云小言之則為一祭之間。孝子不知鬼神之期者，解經樂以迎來哀以送祭之閒。孝子不知鬼神之期者，解經樂以迎來哀以送往之二句。謂一祭之間也。一祭比於一年，其事為小，故云小言之為一祭之間。既不知鬼神來去期節，故祭初以若來故樂祭末似去故哀。據孝子之心雖春有樂及鍾鼓送尸孝子之心祭末猶哀也。云推而廣之，放其去

來於陰陽者解經云故禘有樂而嘗無樂二句也言推此一祭而廣論一年放神之去來似於陰陽二氣但陽主生長春夏陽來似神之來故春夏祭之有樂秋冬陰象神之去故秋冬之祭無樂然周禮四時之祭皆有樂殷則烝嘗之祭亦有樂故那詩云庸鼓有數萬舞有奕下云饁予烝嘗則殷秋冬亦有樂者熊氏云殷秋冬但有管弦之樂又云烝嘗全無樂其義已具郊特牲致齊於內散齊於外齊之日

思其居處思其笑語思其志意思其所樂思其所嗜齊

三日乃見其所為齊者

齊側皆反後不出者同散悉但反所樂音岳又王教反致齊

思此五者也散齊七日不御不樂不弔耳見所為齊者思之熟也所嗜素所欲飲食也春秋傳曰屈到嗜芰屈居勿反疏曰此一節明祭前齊事之日思其居處者謂祭教齊之日也思其居處以下五事謂孝子思念親

存之五事也先思其廡漸思其精故居處在前樂嗜居  
後齊三日乃見其所為齊者謂致齊思念其親精意純  
熟目想之若見其所為齊之親也又曰楚語云屈  
到嗜芰有疾召其宗老而屬之曰祭我必以芰 祭之

日入室儼然必有見乎其位周還出戶肅然必有聞乎

其容聲出戶而聽愾然必有聞乎其歎息之聲

儼音愛  
還音旋

愾開代反 周還出戶謂薦設時也無尸者闔戶若食  
間則有出戶而聽之 疏曰此一經明祭之日孝子想  
念其親入室儼然必有見乎其位者謂祭之日朝初入  
廟室時也初入室陰厭時孝子當想象儼然儼髣髴見也  
詩云愛而不見見如見親之在神位也故論語云祭如  
在周還出戶肅然必有聞乎其容聲者謂薦饌時也孝  
子薦俎酌獻行步周旋或出戶當此之時必悚息聽肅  
然如聞親舉動容止之聲出戶而聽愾然者謂祭此人

為無尸之時設薦已畢孝子出戶而靜聽愴愴然必有聞乎其歎息之聲也又曰出戶謂薦設時也者若特牲少牢主婦設豆及佐食設俎之屬是也云無尸者闔戶若食間則有出戶而聽之者案士虞禮云無尸則禮及薦饌皆如初主人哭出復位祝闔牖戶如食間注云如尸一食九飯之頃彼謂虞祭無孫行為尸者則吉祭亦當然也此鄭云闔戶若食間見如正祭九飯之閒也而皇氏謂尸設之後陽厭之時又云無尸謂之陰厭尸未入前其義是故先王之孝也色不忘乎目聲不絕乎耳並非也

心志嗜欲不忘乎心致愛則存致慤則著著存不忘

乎心夫安得不敬乎

存著則謂其思念也疏曰此一經覆說孝子祭時念親之事致愛

則存者謂孝子致極愛親之心則若親之存以嗜欲不忘於親故也致慤則著者謂孝子致其端慤敬親之心

則若親之顯著以色不忘於目聲不忘於耳故也著存  
不忘乎心者言如親之存在恒想見之不忘於心既思  
念如此何君子生則敬養死則敬享思終身弗辱也養

尚反

享猶

祭也饗也 君子有終身之喪忌日之謂也忌日不用

非不祥也言夫日志有所至而不敢盡其私也

夫音扶 忌日

親亡之日忌日者不用舉他事如有時日之禁也祥善  
也志有所至至於親以此日亡其哀心如喪時 疏曰  
此一節明孝子終身念親不忘之事忌日不用非不祥  
也者謂忌日不用舉作他事者非謂此日不善別有禁  
忌不舉事也言夫日志有所至而不敢盡其私也者所  
以不舉者言夫忌日謂孝子志意有所至極思念親不  
敢盡其私情而營

唯聖人為能饗帝孝子為能饗親

謂祭

之能使之饗也帝天也

疏曰此一節明孝子祭祀欲

親歆饗之意唯聖人為能饗帝者以饗帝為難故聖人

能之饗親不易故孝子能之欲饗親與饗帝同故以饗

帝比饗親言饗親難也此本為饗親而發故下文專論

饗親之事饗者鄉也鄉之然後能饗焉鄉許亮反言中心

饗也上饗或為相相息亮反疏曰饗者鄉也者言

神之所以饗者由孝子之所歸鄉也鄉之故然後能使

神靈歆是故孝子臨尸而不作君牽牲夫人奠盞君獻

饗焉尸夫人薦豆卿大夫相君命婦相夫人齊齊乎其敬也

愉愉乎其忠也勿勿諸其欲其饗之也色不和曰作奠

也此時君牽牲將薦毛血君獻尸而夫人薦豆謂釋日

也饋尸主人獻尸主婦自東房薦韭菹醢勿勿猶勉勉

也饋尸主人獻尸主婦自東房薦韭菹醢勿勿猶勉勉

也饋尸主人獻尸主婦自東房薦韭菹醢勿勿猶勉勉

也饋尸主人獻尸主婦自東房薦韭菹醢勿勿猶勉勉

也饋尸主人獻尸主婦自東房薦韭菹醢勿勿猶勉勉

也饋尸主人獻尸主婦自東房薦韭菹醢勿勿猶勉勉

也慙愛之貌 盎齊才細反價音賓 疏曰是故孝子  
臨尸而不作者作謂顏色不和悅以祭祀須饗尸故孝  
子臨對尸前不得顏色不和君牽牲夫人奠盎者熊氏  
云此謂釋祭君當牽牲之時夫人奠設盎齊之尊君獻  
尸夫人薦豆者釋祭故先獻後薦齊齊乎其敬也者卿  
大夫相君命婦相夫人皆齊齊乎其恭敬齊齊謂整齊  
之貌故玉藻云廟中齊齊愉愉乎其忠也者愉愉和悅  
之貌忠謂忠心言孝子顏色愉愉然和悅盡忠心勿勿  
諸其欲其饗之也者勿勿猶勉勉也言孝子之心與貌  
勉勉然欲得親之歡饗也其皆語助又曰案曲禮云容  
毋作作謂顏色變即不和之意云奠盎設盎齊之奠也  
者此謂釋祭故牽牲之時夫人預設盎齊之尊假令正  
祭牽牲時夫人設奠盎之尊至君親制祭夫人酌盎齊  
以獻尸義無妨也皇氏怪此奠盎在牽牲之時於事大  
早以奠盎為洗牲勘諸經傳無洗牲以酒之文皇氏文  
無所據其義非也云謂釋日也者以其先云君獻尸後

云夫人薦豆故知繹日也云儻尸主人獻尸主婦自東  
房薦韭菹醢者此是有司徹文引之者證儻尸之時先  
獻後薦上大夫儻尸文王之祭也事死者如事生思死  
即天子諸侯之繹也

者如不欲生思日必哀稱諱如見親祀之忠也如見親

之所愛如欲色然其文王與

與音餘思死者如不欲生言思親之深也如欲色

者以時人於色厚假以喻之疏曰此一節明文王祭思親忠敬之甚思死如不欲生者言文王思念死者意欲隨之而死如似不復欲生稱諱如見親者言文王在廟中上不諱下於祖廟稱親之諱如見親也祀之忠者言文王祭祀之盡忠誠也如見親之所愛如欲色然者解祀之忠敬之事言齊時思念親之平生嗜欲如似真見親所愛在於目前又思念親之所愛之甚如似凡人貪欲女色然也其文王與者唯文王能如此與是不執



定之辭王肅解欲色然如欲見父母之顏色鄭云何得此父母於女色馬昭申云孔子曰吾未見好德如好色者如此亦比色於德張融亦云詩云明發不寐有懷二如好色取其甚也於文無妨

人文王之詩也祭之明日明發不寐饗而致之又從而

思之祭之日樂與哀半饗之必樂已至必哀

樂音洛明發不寐

謂夜而至旦也祭之明日謂繹日也言繹之夜不寐也二人謂父母容尸侑也疏曰文王之詩也者此幽王

小雅小宛之篇而云文王詩也者記者引詩斷章取義且詩人陳文王之德以刺幽王亦得為文王之詩也祭

之明日明發不寐者謂正祭明日繹祭之時祭既訖待其夜發夕至明而不寐饗而致之又從而思之者申明

發之意既設繹祭之饗而致於神其夜又從而思之也饗之必樂已至必哀者孝子想神之歆饗故必樂又想

及饗已至之後必分離故必哀也又曰知祭之明日為  
繹日也者案宣八年六月辛巳有事于大廟仲遂卒于  
垂壬午猶繹是祭之明日為繹也云二人謂父母容尸  
侑也者祭以念親故二人謂父母案有司徹上大夫饗  
尸別立一人為侑以助尸似鄉飲酒禮介之副  
賓也繹祭與饗尸同故知二人容尸與侑也仲尼嘗

奉薦而進其親也慤其行也趨趨以數

嘗秋祭也親為身親執事時也

慤與趨趨言少威儀也趨讀如促數之言速也疏曰  
此一節記仲尼嘗祭之儀奉薦而進其親也慤者慤謂

質慤謂仲尼奉薦進尸之時其身執事其形貌慤質少  
威儀其行也趨趨以數者其行步步促促速疾少威儀舉

足而已祭子貢問曰子之言祭濟濟漆漆然今子之祭  
數也

無濟濟漆漆何也子曰濟濟者容也遠也漆漆者容也

自反也容以遠若容以自反也夫何神明之及交夫何

濟濟漆漆之有乎

贛音貢濟子禮反切切自反猶言自脩整也容以遠言

漆漆讀如朋友

非所以接親親也容以自反言非孝子所以事親也及與也此皆非與神明交之道疏曰今子之祭無濟濟漆漆何也者子贛先聞夫子說祭事威儀須濟濟漆漆然也今子之為祭無濟濟漆漆者何也子曰濟濟者容也遠也夫子為子贛說濟濟之義言濟濟者是容貌自疏遠漆漆者容也自反也謂容貌自反覆而脩整也容以遠若容以自反也者覆結上文言孝子若容貌以疏遠若容貌以自脩整此乃賓客之事夫何神明之及交者及與也言孝子若作賓客之容何得神明之與交言不得與神明交也夫何濟濟漆漆之有乎者更覆結之云夫孝子何得濟濟漆漆之有乎言不得有也其容也遠也王肅以容為容皇氏用王肅以容有其容之義其

義亦通但於文勢不便至注更具詳又曰漆漆讀如朋  
友切切者以漆漆非形貌之狀漆音近切朋友切切悝  
悝語子路文也云自反猶言自修整也者凡修整之  
人必自反覆顧省故云自反猶言自修整云容以遠  
言非所以接親親也者凡接親親不事容貌又相附  
近今既事容貌又相疏遠故云非所以接親親言  
親親對孝子之辭或容為客字則是義遠何須云容以  
遠又容以自反與容以遠相對一字為容一字為客未  
之有也又王肅為客字反饋樂成薦其薦俎序其禮樂  
破鄭義明鄭義容字也反饋樂成薦其薦俎序其禮樂  
備其百官君子致其濟濟漆漆夫何恍惚之有乎樂音  
五教反慌況往反一音荒惚音忽天子諸侯之祭或  
從血腥始至反饋是進熟也薦俎豆與俎也恍惚思念  
益深之時也言祭事既備使百官助已祭然而見其容  
而自反是無恍惚之思念疏曰反饋樂成者此天子

諸侯之祭血腥而始及至進是設饌進孰合樂成畢定  
本反饋作及字至注更釋薦俎者謂薦孰之時薦其饋  
食之豆并牲體之俎序其禮樂備其百官者進饋之前  
與神明而交貴其誠敬進饋之後人事之盛故序其禮  
樂備其百官君子致其濟濟漆漆賓客之事夫何恍惚之有乎  
助祭之人致其濟濟漆漆賓客之事夫何恍惚之有乎  
者此一句覆結前文子贛問云若孝子自濟濟漆漆何  
得恍惚思念之有乎言無念親之意也又曰天子諸侯  
之祭或從血腥始者謂以卿大夫從饋孰始故云天子  
諸侯或從血腥始言或者不盡然故三獻燭一獻孰是  
不從血腥始云至反饋是進孰也者既以血腥為始至  
於反饋之時是進孰也但至與反字於文為煩定本又  
為及字故皇氏云初祭尸入於室後出在堂夫言宣一  
門戶更反入而設饋故云反饋義當然也夫言宣一  
端而已夫各有所當也夫音扶當丁浪反宣一端言  
不可以一槩也禮各有所當行

祭宗廟者賓客濟濟漆漆主人慤而趨趨疏曰夫言  
豈一端而已者夫子答子貢云一端猶一槩也凡言語  
豈一槩而已言不可以一槩所屬各異夫各有所當也  
者謂其言語各有所當若慤而趨當孝子也濟濟漆漆  
當賓客也孝子將祭慮事不可以不豫比時具物不可以不

備虛中以治之

比必利反兼念餘事

比時猶先時也虛中言不先悉薦反疏曰自此以

下至成人之道廣明孝子祭祀之義今各隨文解之將  
祭慮事不可以不豫者言孝子慮事不可於祭前不豫  
思慮之比時具物不可以不備者比時謂先時言在祭  
之先以備具於物至於祭時不可以不備具也虛中以  
治之者言不可兼念餘事心中實虛唯思此祭而已故云虛中以治之也

宮室既脩牆屋既

設百物既備夫婦齊戒沐浴盛服奉承而進之洞洞乎

屬屬乎如弗勝如將失之其孝敬之心至也與

屬音燭勝音升

與音餘

脩設謂掃除及黜陟黜於糾反陟烏路反

疏曰洞洞屬屬是嚴敬之貌言孝子之心奉承而進

祭之時其心洞洞乎屬屬乎恭敬心甚如舉物之弗勝

心所奉持如似將失於物此是孝子心敬之至極也案

廣雅洞洞薦其薦俎序其禮樂備其百官奉承而進之

屬屬敬也

百官助主於是諭其志意以其慌惚以與神明交庶或

人進之

饗之庶或饗之孝子之志也

諭其志意謂使祝祝饗及侑尸也或猶有也言想見

其彷彿來祝祝上之六反下之又反又並之六反

疏曰孝子既薦其俎於是使其祝官啟告鬼神曉諭鬼

神以志意以其慌惚以與神明交接庶望神明或來歆饗

以其思念情深慌惚似神明交接庶望神明或來歆饗

故云庶幾神明饗之者是孝子之志意也言想見其親彷彿而來也孝子之祭也盡其慤

而慤焉盡其信而信焉盡其敬而敬焉盡其禮而不過

失焉進退必敬如親聽命則或使之也言當盡已而已如居父母前將

受命而使之疏曰盡其慤而慤焉者盡慤謂心盡

其慤也而慤焉謂外亦慤焉其信與敬皆處內內有

其心外著於貌盡其禮而不過失焉者以其禮包衆

事非一可極故不得云而盡其禮焉云不過失焉

則是禮也進退必敬如親聽命則或使之也者言孝子

祭時進之與退必恒恭敬如似親聽父母之命而父母

或使孝子之祭可知也其立之也敬以詘其進之也敬

之也

以愉其薦之也敬以欲退而立如將受命已徹而退敬



齊之色不絕於面

誦求勿反徐丘勿反敬齊如字王徐側皆反誦充誦形容喜貌也進之

謂進血腥也愉顏色和貌也薦之謂進孰也欲婉順貌齊謂齊莊疏曰此一節明孝子之祭觀其貌而知其

心故孝子之祭可知也者以下諸事是也其立之也敬以誦者誦謂充誦形容歡喜之貌言孝子尸前而立形

貌恭敬而顏色歡喜其進之也敬以愉者進謂血腥愉謂顏色溫和言孝子薦血腥之時容貌恭敬而顏色溫

和其薦之也敬以欲者言孝子薦孰之時容貌恭敬顏色婉順如欲得物然退而立如將受命者言孝子或有

退之時如似前進將受命已徹而退敬齊之色不絕於面者謂祭畢已徹饌食孝子退者恭敬齊莊之色不離

絕於孝子之祭也立而不誦固也進而不愉疏也薦而

不欲不愛也退立而不如受命教也已徹而退無敬齊

之色而忘本也如是而祭失之矣

教五報反固猶質陋也而忘本而衍字

疏曰立而不訕固也者言其固陋不知禮進而不愉疏也者言與親疏遠不相親附薦而不欲不愛也者言不愛親退立而不如受命教也者言教其親不恭敬已徹而退無敬齊之色而忘本也者而衍字忘本謂不思其親孝子之有深愛者必有和氣有和氣者必有愉色

有愉色者必有婉容

和氣謂立而訕

孝子如執玉如奉盈洞洞

屬屬然如弗勝如將失之嚴威儼恪非所以事親也成

人之道也

奉芳勇反勝音升不失其孺子之心也

成人既冠者然則孝子疏曰如執玉如捧盈

言孝子對神容貌敬慎如執持玉之大寶如奉盈滿之物嚴威儼恪非所以事親也者嚴謂嚴肅威謂威重儼

謂儼正恪謂恭敬言四者容貌非事親之體事親當和順卑柔也成人之道也者言嚴威儼恪是既冠成人之道也

祭義

孝子將祭祀必有齊莊之心以慮事以具服

物以脩宮室以治百事

齊側皆反 謂齊之前後也 疏曰此一節明孝子將祭祀之

時顏色容貌務在齊莊卑訕思念其親存也以慮事者言孝子先齊莊其心以謀慮祭事以具服物者以備具衣服及祭物以治百事者謂齊前後凡治百衆之事及祭之日顏色必溫行必恐

如懼不及愛然

如懼不及見其所愛者 疏曰行必恐如懼不及愛然者言孝子色必溫而行

必戰恐其形貌如似畏懼不及見親之所愛然止由如是言心貌必溫

其奠之也容貌必

溫身必訕如語焉而未之然

語魚預反 奠之謂酌尊酒奠之及酌之屬也如語

焉而未之然如有所以語親而未見答疏曰容貌必溫身必誡者言孝子設奠及醕之時容貌溫身容貌必

卑誡如語焉而未之然者如以宿者皆出其立卑靜以語諮白於親而未之見報答者

正如將弗見然將宿者皆出謂賓助祭者事畢出去也如將弗見然祭事畢而不知親所在思念

之深如不見出也疏曰宿者皆出者謂助祭所宿之賓今祭事已畢並皆出去孝子其立卑柔靜默然後以

正定心意以思念其親如及祭之後陶陶遂遂如將復似將不復見顏色出然

入然陶音遙思念既深如親親將復入也陶陶遂遂相隨行之貌疏曰及祭之後陶陶遂遂如將復

入然者孝子思念親深及至祭後想像親是故慤善不來形貌陶陶遂遂如似親將復反更入然是故慤善不

違身耳目不違心思慮不違親結諸心形諸色而術省

之孝子之志也

思息嗣反

衍當為述聲之誤也

疏

曰是故慤善不違身者以孝子思念親深為是之故精慤純善之故行不違離於身恒慤善也耳目不違心者言忠心思慮不違於親無時歇也結諸心者言思念深結積於心形諸色者思念其親形見於色而術省之者術述也省視也言思念其親但徧循述而省視之反復不忘也此孝子思念親之志也

祭義

聖主將祭必潔齋精思若

親之在方興未登悒悒憧憧專一想親之容貌仿佛此孝子之誠也四方之助祭空而來者滿而反虛而至者

實而還皆取灋則焉

說苑

祭之為言察也察者至也至

者人事至也人事至然後祭

禮志曰齊之日思其居處思其笑語思其志意思其

所樂思其所嗜齊三日乃見其所為齊者祭之日入室  
惓然必有見乎其位周還出戶肅然必有聞乎其容聲  
出戶而聽愾然必有聞乎其嘆息之聲是之謂至祭者薦者也薦之為言在也

在也者在其道也

禮志曰君子生則敬養死則敬饗思終身不忘是之謂在其道尚書大

傳

祭者志意思慕之情也惓詭悒悒而不能無時至焉

惓音韋悒音邑悒音愛惓變也詭異也皆謂變異感動之貌悒悒悒氣不舒憤鬱之貌爾雅云悒悒也郭云嗚悒短氣也言人感動或憤鬱不能無時而至言有時而至故人之歡欣和合之時

則夫忠臣孝子亦惓詭而有所至矣

歡欣之時忠臣孝子則感動而思君

親之不得同樂也

彼其所至者甚大動也

言所至之情甚大感動也

案屈然

已則其於志意之情者惘然不嘆其於禮節者闕然不

具

屈竭也屈然空然也惘然悵然也嘆足也言若無祭祀之禮空然而已則忠臣孝子之情悵然不足禮節

又闕然不具也

故先王案為之立文尊尊親親之義至矣

文謂祭祀

節故曰祭者志意思慕之情也忠信愛敬之至矣禮節

文貌之盛矣苟非聖人莫之能知也聖人明知之士君

子安行之官人以為守百姓以成俗其在君子以為人

道也其在百姓以為鬼事也

以為人道則安而行之故以為鬼事則畏而奉之

鍾鼓管磬琴瑟竿笙韶夏濩武勺桓簡簡象是君子之

所以為憚詭其所喜樂之文也

箭音朔賈逵曰舞曲名武均桓皆周頌篇名簡

未詳象周武王伐紂之樂

因說祭遂廣言喜樂哀痛

敦惡之意本皆因於感動而為之文飾也喜樂不可無文飾故制為鍾鼓韶夏之屬齊衰苴杖居廬食粥席薪枕塊是君子

之所以為憚詭其所哀痛之文也

感動其所哀痛而不可無文飾故制為齊

衰苴杖之屬言本皆因於感動也

師旅有制刑法有等莫不稱罪是君

子之所以為憚詭其所敦惡之文也

師旅所以討有罪制謂人數也有等

輕重異也敦厚也厚惡深惡也或曰敦讀為頓頓困躓也本因感動敦惡故制師旅刑罰以為文飾卜筮

視日齊戒修塗几筵饋薦告祝如或饗之

視日之吉凶史記周文為



項燕視日修塗謂修自宮至廟之道塗也几筵謂  
祝筵几于室中東面也饋獻牲體也薦進黍稷也  
告祝謂尸命祝以嘏于主人曰皇尸命工祝承致  
多福無疆于汝孝孫來汝孝孫使汝受祿于天宜  
稼于田眉壽萬年勿替引

物取而皆祭之如或嘗

之如或歆饗其祀然也

之物取每物皆取也謂祝命授祭尸取菹楨于醢祭  
于豆閒佐食取黍稷肺授尸尸啐齊之又取肝楨  
于鹽坐振祭齊之是也如或嘗之

母利舉爵

當云無舉利爵

即上文云利主人有尊如或觴之

謂主人設尊酌以獻尸尸飲之如神

飲其觴然賓出主人拜送反易服即位而哭如或去之

此

說喪祭也易服易祭服反喪服也賓出祭事畢即位而哭如神哀之去然也

哀夫敬夫事

死如事生事亡如事存狀乎無形影然而成文

狀類也言

祭祀不見鬼神有類乎無形影者然而足以成人道之節文也

荀子禮論

凡治人之

道莫急於禮禮有五經莫重於祭

禮有五經謂吉禮凶禮賓禮軍禮嘉

禮也莫重於祭謂以吉禮為首也大宗伯職曰以

吉禮事邦國之鬼神祇祇祈之反疏曰此一節

總明祭祀於禮中最重唯賢者能盡祭義凡祭為

禮之本禮為人之本將明禮本故先說治人言治

人之道於禮最急禮有五經者經者常也言吉凶

賓軍嘉禮所常行故云禮有五經五經之中於祭

更急上說人之以禮為急此說禮為急者案大宗

伯吉禮之別十有二凶禮之別五賓禮之別八軍

禮之別五嘉禮之別六

五禮之別總三十有六

夫祭者非物自外至者也

自中出生於心也心休而奉之以禮是故唯賢者能盡

祭之義

休勅律反 休感念親之貌也休或為述 疏曰夫祭者非物自外至者也自中出生於心也

者自猶從也言孝子祭親非假他物從外至於身使已為之但從孝子身中出生於孝子之心也心休而奉之以禮者言孝子感時心中休惕而奉親以祭祀之禮是故唯賢者能盡祭之義者言非賢者不能休惕休惕之義唯必賢人故

能盡恭敬祭

賢者之祭也必受其福非世所謂福也

福者備也備者百順之名也無所不順者之謂備言內

盡於已而外順於道也忠臣以事其君孝子以事其親

其本一也

世所謂福者謂受鬼神之祐助也賢者之所謂福者謂受大順之顯名也其本一者言忠

孝俱由順出也 疏曰此一節明祭祀受福是百順之理非世所謂福也者言世人謂福謂壽考吉祥祐助於身若賢者受福身外萬事皆順於道理故云非世所謂福也福者備也備者百順之名也無所不順者之謂備此是賢者之福謂內盡其心外極其禮內外俱順於祭具也言內盡於已而外順於道也者釋百順之義也謂心既內盡貌又外順此之行善無違於道理也其本一也者言忠臣事君孝子事親其本皆從順而來故云其本一上則順於鬼神外則順於君長內則以孝於親如也

此之謂備唯賢者能備能備然後能祭是故賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也

長丁

丈反下所長同道音導其為于偽反注為謂同一音如  
字明猶潔也為謂福祐為已之報疏曰上則順於  
鬼神者廣大順也體尊故云上也外則順於君長者謂  
朝廷也出事公卿故云外也不求其為者言孝子但內  
盡孝敬以奉祭祀不求其鬼神福祥為已之報案少牢  
報辭云皇尸命工祝承致多福無疆于女孝孫使女受  
祿于天宜稼于田則是祭祀有求此云不求者謂孝子  
之心無所求也但神自致福故有受祿於天之言若水  
旱災荒禱祭百神則有求也故大祝有祭者所以追養  
六祈之義大司徒有荒政索鬼神之禮

繼孝也孝者畜也順於道不逆於倫是之謂畜

養羊尚反下同

畜許六反下同畜謂順於德教疏曰追養繼孝也  
者養者是生時養親孝者生時事親親今既沒設禮祭  
之追生時之養繼生時之孝孝者畜也者畜謂畜養謂  
孝子順於德教不逆於倫理可以畜養其親故釋孝為

畜此據援神契庶人之孝曰畜五孝不同庶人但取畜養而已不能百事皆順援神契又云天子之孝曰就諸侯曰度大夫曰譽士曰究庶人曰畜分之是故孝子之則五總之曰畜皆是畜養但功有小大耳

事親也有三道焉生則養沒則喪喪畢則祭養則觀其順也喪則觀其哀也祭則觀其敬而時也盡此三道者

孝子之行也

行下孟反

沒終也

疏曰此

既內自盡

又外求助昏禮是也故國君取夫人之辭曰請君之玉

女與寡人共有敝邑事宗廟社稷此求助之本也

取七佳反

言玉女者美言之也君子於玉比德焉

夫祭也者必夫婦親之所以備外

內之官也官備則具備

具謂所共衆物以共皆同

共音恭下文疏曰此一節以上

文孝子事親先能自盡又外求伉儷供衆盛之事

水草之菹陸產之醢小物備

矣三牲之俎八簋之實美物備矣昆蟲之異草木之實

陰陽之物備矣

水草之菹芹苴之屬陸產之醢蜺蜃之屬天子之祭八簋昆蟲謂濕生寒死之

虫也內則可食之物有蜺范草木之實菱芡榛栗之屬疏曰水草之菹芹苴之屬者案醢人云加豆之實芹

苴兔醢朝事之豆苴菹麋醢是芹苴也又有朝事之豆菹本麋醢加豆之實有深蒲醢醢筵菹雁醢筵魚醢

其菹本深蒲筵筍是水草故云之屬云陸產之醢蜺蜃之屬者案醢人饋食之豆蜺蜃即蜺之類醢人加豆

之實有兔醢又有醢醢皆是陸產故云之屬云天子之祭八簋者明堂位云周之八簋又特牲士兩敦少牢四

敦則諸侯六故天子八云內則可食之物有蜩范者蜩  
蟬也范蜂也昆虫之屬云草木之實菱芡榛栗之屬者  
案籩人加籩之實有菱芡饋食之屬凡天之所生地之所  
邊有棗栗榛實是草木故云之屬

長苟可薦者莫不咸在示盡物也外則盡物內則盡志

此祭之心也

咸皆也疏曰苟可薦者悉在祭用故云示盡物也則上陰陽之物備矣外則盡物

內則盡志此祭之心也

是故天子親耕於南郊以共齊

盛王后蠶於北郊以共純服諸侯耕於東郊亦以共齊

盛夫人蠶於北郊以共冕服天子諸侯非莫耕也王后

夫人非莫蠶也身致其誠信誠信之謂盡盡之謂敬敬



盡然後可以事神明此祭之道也

齊盛亦作盥與染同音浴下同純側其反

注及下純冕同

純服亦冕服也互言之爾純以見繒色冕以著祭服東郊少陽諸侯象也夫人不蠶於西郊

婦人禮少變也

齊或作染

見賢遍反少詩召反疏

曰是故天子親耕於南郊以共齊盛王后蠶於北郊以

共純服者此覆結上文也必夫婦親之及盡物盡志之

事祭須盡物志故人君夫人各竭力從事於耕蠶也鄭

云王藉田在遠郊故甸師氏掌之內宰云中春詔后帥

內外命婦始蠶於北郊注云婦人以純陰為尊故也純

服者亦冕服也純以見繒色冕以著祭服諸侯耕於東

郊亦以共齊盛者天子大陽故南也諸侯少陽故東也

然藉田並在東南故王言南諸侯言東夫人蠶於北郊

以共冕服者后太陰故北夫人少陰故合西郊然亦北

者婦人質少變故與后同也天子諸侯非莫耕也王后

夫人非莫蠶也者莫無也王侯宜貧無穀帛而夫婦自

耕蠶乎其有以也身致其誠信誠信之謂盡是所以其  
欲致誠信故身自親之盡之謂敬敬盡然後可以事神  
明者察盡敬則乃是盡也此祭之道結上文也又曰純  
服亦冕服也者天子云純諸侯言冕冕祭服故知純亦  
是祭服天子言衣色諸侯亦有衣色是其互也鄭氏之  
意凡言純者其義有二一是絲旁才是古之緇字二是  
絲旁是純字但書文相亂雖是緇字並皆作純鄭氏  
所注於絲理可知於色不明者即讀為緇即論語云今  
也純儉及此純服皆讀為黑色若衣  
色見絲文不明者讀純以為絲也及時將祭君子乃  
齊齊之為言齊也齊不齊以致齊者也是故君子非有  
大事也非有恭敬也則不齊不齊則於物無防也嗜欲  
無止也及其將齊也防其邪物訖其嗜欲耳不聽樂故

記曰齊者不樂言不敢散其志也心不苟慮必依於道

手足不苟動必依於禮

乃齊側皆反本又作齊下不出者同言齊也齊不齊並如字下

齊之同

訖猶止也

疏曰此一節明將祭齊戒之義

并明君與夫人皆致齊

會於大廟夫婦交親行祭之義

及時將祭君子乃齊者謂四時應祭之前未旬時也方

將接神先宜齊整身心故齊也齊不齊以致齊者也言

齊者齊也所以正此不齊之事謂未齊之時心慮散蕩

心所嗜欲有不齊正及其齊也正此不齊之事以致極

齊戒是故君子之齊也專致其精明之德也故散齊七

之道

日以定之致齊三日以齊之定之之謂齊齊者精明之

至也然後可以交於神明也

定者定其志意

是故先期旬有一

日宮宰宿夫人夫人亦散齊七日致齊三日

先悉薦反又如字

宮宰守宮官也宿讀為肅肅猶戒也戒輕肅重也

君致齊於外夫人致齊於內

然後會於大廟君純冕立於阼夫人副褱立於東房君

執圭瓚裸尸大宗執璋瓚亞裸及迎牲君執紃卿大夫

從士執芻宗婦執盎從夫人薦浼水君執鸞刀羞瘠夫

人薦豆此之謂夫婦親之

大廟音泰下同褱音輝瓚才旦反裸古亂反紃直忍反又

以忍反從才用反下同浼舒銳反徐音歲羞齊本亦作齊才細反大廟始祖廟也圭瓚璋瓚裸器也以圭璋

為柄酌鬱鬯曰裸大宗亞裸容夫人有故攝焉紃所以牽牲也周禮作絲芻謂藁也殺牲時用薦之周禮封人

祭祀飾牲共其永縢沅盞齊也盞齊沅酌也凡尊有明  
水因兼云水爾齊齊肺祭肺之屬也君以鸞刀割制之  
天子諸侯之祭禮先有裸尸之事乃後迎牲芻或為糝  
疏曰君致齊於外夫人致齊於內者外謂君之路寢  
內謂夫人正寢是致齊並皆於正寢其實散齊亦然但  
此文對會於大廟故云君致齊於外夫人致齊於內耳  
然後會於大廟者祭日君與夫人俱至大廟之中廟即  
始祖廟也君純冕立於阼者純亦緇也上文已解故鄭  
於此略而不論冕皆上玄下纁其服並然故通云緇冕  
若非二王之後及周公廟即悉用玄冕而祭夫人副祿  
立於東房者副及祿后之上服魯及二王之後夫人得  
服之侯伯夫人揄狄子男夫人闕狄而並立東房以俟  
行事尸既入之後轉就西房故禮器云夫人在房雖不  
云東西房下云夫人東酌鼎尊則知夫人在房謂西房  
也大宗執璋瓚亞裸者大宗主宗廟禮者以亞裸之禮  
夫人親為之此不云夫人而云大宗者記者廣言容夫

人有故故大宗伯代人行禮執璋瓚亞裸之禮圭瓚璋瓚並是裸器也以圭璋為柄酌鬱鬯曰裸也君執紃者紃牛鼻繩君自執之入繫於碑卿大夫從者謂卿大夫從驅之及殺與幣告也皆從於君士執芻者芻謂卿大夫以其殺牲用芻藁藉之宗婦執盎從者謂同宗之婦執盎以從夫人夫人薦泚水者泚即盎齊由是濁用清酒以泚泚之泚水是明水宗婦執盎齊從夫人而來奠盎齊於位夫人乃就盎齊之尊酌此泚齊而薦之者因盎齊有明水連言水耳上云夫人副禕此則上公之祭宜有醴齊盎齊但言盎者略言之亦容侯伯子男之祭但有益齊無醴齊也故執盎從君執鸞刀羞齊者齊肝肺也齊有二時一是朝踐之時取肝以骨貫之入室燎於爐炭出薦之主前二者謂饋孰之時君以鸞刀割制所羞齊肺橫切之使不絕亦奠於俎上尸並齊之故云羞齊一云羞進也謂君用鸞刀制此齊肉以進之故云鸞刀羞齊夫人薦豆者於君羞齊之時夫人薦此饋食之

豆此之謂夫婦親之者君親執紼及鬻刀羞齊是夫親之也夫人薦沚水及羞豆是婦親之也故云夫婦親之又曰大宗亞裸容夫人有故攝焉者解大宗所以亞裸之義案此下云夫人薦沚水及薦豆則是夫人親行而云夫人有故者記者亂陳言大宗亞裸容夫人有故之時下云夫人薦盎薦豆顯夫人親行其事各有所明不可一揆云盎齊沚酌也者周禮司尊彝文案彼注云盎齊差清和以清酒沛之謂之沚酌鄭引此者解經夫人薦沚是盎齊也云凡尊有明水因兼云水爾者以經夫人薦沚祗是薦盎不薦明水今經薦沚之下別更言水此謂明水也以盎齊加明水故記者因盎而連言明水爾知盎齊加明水者郊特牲云祭齊加明水是也云齊肺祭肺之屬也者案少牢特牲薦孰之時俎有祭肺及舉肺切之舉肺離而不提心二肺皆齊之故云齊肺祭肺之屬云天子諸侯之祭禮先有裸尸之事乃後迎牲者以特牲少牢無此禮今此經裸後有迎牲之文是

天子諸侯之事  
故鄭明之也

及入舞君執干戚就舞位君為東上

冕而總干率其羣臣以樂皇尸是故天子之祭也與天

下樂之諸侯之祭也與竟內樂之冕而總干率其羣臣

以樂皇尸此與竟內樂之之義也

樂音洛下同竟音境君為東上近主位

也皇君也言君尸者尊之  
明祭時天子諸侯親在舞位以樂皇尸也

疏曰此一經  
夫祭有三重

焉獻之屬莫重於裸聲莫重於升歌舞莫重於武宿夜

此周道也

武宿夜武曲名也周道猶周之禮疏曰此一經并明祭祀之禮有三種可重之事舞莫

重於武宿夜者武宿夜是武曲之名是眾舞之中無能重於武宿夜之舞皇氏云師說書傳云武王伐紂至於



商郊停止宿夜士卒皆歡樂歌舞以待旦因名  
凡三道焉武宿夜其樂亡也熊氏云此即大武之樂也

者所以假於外而以增君子之志也故與志進退志輕  
則亦輕志重則亦重輕其志而求外之重也雖聖人弗  
能得也是故君子之祭也必身自盡也所以明重也道  
之以禮以奉三重而薦諸皇尸此聖人之道也

疏曰凡  
三道者

所以假於外而以增君子之志也者言三種所重之道  
皆假借外物而以增益君子內志裸則假於鬱鬯歌則  
假於聲音舞則假於干戚皆是假於外物故與志進退  
者此外物增成君子內志故與志同進同退若內志輕  
畧則此等亦輕畧內志  
殷重此等亦殷重矣

夫祭有餽餽者祭之末也不

可不知也是故古之人有言曰善終者如始餒其是已  
是故古之君子曰尸亦餒鬼神之餘也惠術也可以觀

政矣

餒音俊

術猶法也為政尚施惠盡美能知能惠

詩云維此惠君民人所瞻施惠始鼓反下文注

並同能知音智疏曰此一節明祭末餒餘之禮自求  
多物恩澤廣被之事是故古之人有言曰善終者如始  
餒其是已者引古人之言證餒為美也夫靡不有初鮮  
克有終而祭之有餒即是克有終而禮尤盛故云善終  
者如始餒其是已已語辭也是故古之君子曰尸亦餒  
鬼神之餘也者又引古言證餒義也言亦者亦人餒尸  
之餘乃是人食尸餘而云尸亦餒鬼神餘者若王侯初  
薦毛血燔燎是薦於鬼神至薦孰時尸乃食之是尸餒  
鬼神之餘若大夫士陰厭亦是先薦鬼神而後尸乃食  
亦尸餒鬼神餘故并云尸亦餒鬼神之餘也惠術也可

以觀政矣者術猶法也尸餼鬼神之餘是施恩惠之術  
法言為政之道貴在施惠可以觀省人君之政教能此  
恩惠者即其政善不能施恩惠者則其政惡故云可以觀政矣是故尸謏君與卿四人

餼君起大夫六人餼臣餼君之餘也大夫起士八人餼

賤餼貴之餘也士起各執其具以出陳于堂下百官進

徹之下餼上之餘也

謏所六反百官謂有事

進當為餼聲之誤也

徹之而去所謂自卑至賤進徹或俱為餼疏曰臣餼  
君之餘也者以君於廟中事尸如君則君為臣禮君食  
尸餘是臣食君餘與大夫食君餘相似故云臣餼君之  
餘也諸侯之國有五大夫此云六者兼有采地助祭也  
以下漸偏及下示傳恩惠也士起各執其具以出陳于  
堂下者士廟中餼訖而起所司各執其饌具以出廟戶

陳于堂下百官進徹之者進當為餽謂有祭事之百官餽訖各徹其器而乃去之 凡餽之道每

變以衆所以別貴賤之等而與施惠之象也是故以四

簋黍見其修於廟中也廟中者竟內之象也 別彼列反

鬼神之惠徧廟中如國君之惠徧竟內也 疏曰凡

餽之道每變以衆所以別貴賤之等者初君四人次大

夫六人次士八人是變以衆加之以兩是別貴賤之等

而與施惠之象也者興起也其餽之禮初餽貴而少後

餽賤而多皆先上而後下施惠之道亦當然皆先貴後

賤故云施惠之象是故以四簋黍見其修於廟中也者

謂餽之時君與三卿以四簋之黍修整普徧也 以用

四簋多黍稷而餽者欲見其恩惠修整徧於廟中諸侯

之祭有六簋今云以四簋者以二簋留為陽厭之祭故

以四簋而餽簋有黍稷特云黍者見其美舉黍稷可知

也廟中者竟內之象也者以四簋而  
徧廟中如君之恩惠徧於竟內也 祭者澤之大者也

是故上有大澤則惠必及下顧上先下後耳非上積重  
而下有凍餒之民也是故上有大澤則民夫人待于下  
流知惠之必將至也由餒見之矣故曰可以觀政矣直重

龍反夫音扶 鬼神有祭不獨饗之使人餒之恩澤之  
大者也國君有蓄積不獨食之亦以施惠於竟內也

疏曰顧上先下後耳者言上有大澤惠必及下無不周  
徧但瞻顧之時尊上者在先卑下者處後耳一云顧故  
也謂君上先餒臣下後餒示恩則從上起也非上有積  
重而下有凍餒之民也者言非是在上有財物積重而  
不以施惠而使在下有凍餒之民言有積重必施散在  
下不使凍餒由餒見之矣者言民所以知上有財物恩

惠及於下者祇此祭祀之餼見其恩逮於下之理故曰  
可以觀政矣者餼若以禮則能施惠其政善餼若不  
禮則不能施惠其政惡也  
故云可以觀政矣  
祭統  
祭之為言察也察者至也

至者人事至也人事至然後祭祭者薦者也薦之為言

在也在也者在其道也

尚書  
大傳

子曰禹吾無閒然矣非

飲食而致孝乎鬼神惡衣服而致美乎黻冕卑宮室而

盡力乎溝洫禹吾無閒然矣

閒去聲菲音匪黻音弗洫  
呼域反閒罅隙也謂指

其罅隙而議之也菲薄也致孝鬼神謂享祀豐潔衣服  
常服黻蔽膝也以韋為之冕冠也皆祭服也溝洫田間  
水道以正疆界備旱潦者也或豐或儉各適其宜所以  
無罅隙之可議也故再言以深美之  
楊氏曰薄於自

奉而所勤者民之事所致飾者宗廟朝廷之禮  
所謂有天下而不與也夫何閒然之有

泰伯

夫鼎

有銘銘者自名也自名以稱揚其先祖之美而明著之  
後世者也為先祖者莫不有美焉莫不有惡焉銘之義

稱美而不稱惡此孝子孝孫之心也唯賢者能之

銘謂書之

刻之以識事者也自名謂稱揚其祖之德著已名於下  
疏曰銘者自名也者言為先祖之銘者自著已之功

名於下自名以稱揚其先祖之美而明著之後世者也  
謂自著已名之時先稱揚其先祖之美於上而使昭明  
顯著於後世  
銘者論譔其先祖之有德善功烈勲勞慶賞聲

名列於天下而酌之祭器自成其名焉以祀其先祖者

也顯揚先祖所以崇孝也身比焉順也明示後世教也  
譏音撰比毗志反下及注同烈業也王功曰勲事功  
曰勞酌之祭器言斟酌其美傳著於鍾鼎也身比焉謂  
自著名於下也順也自著名以稱揚先祖之德孝順之  
行也教也所以教後世傳音附徐音賦一音直專反  
疏曰銘者論譏其先祖之有德善者論謂論說譏則  
譏錄言子孫為銘論說撰錄其先祖道德善事功業勲  
勞慶賞聲名列於天下者此先祖美善之事也烈業也  
謂有功業勲勞有慶賞聲名著於天下者也而酌之祭  
器者酌斟酌也祭器鍾鼎也若有聲名徧普天下者則  
斟酌列書著於君之鍾鼎也自成其名焉者先書先祖  
之德於器上又自成己名於先祖銘下也以祀其先祖  
者也者祀先祖謂預君祫祭也禮功臣既得銘鼎則得預  
君大祫令先祖被銘預祫是尊其先祖也顯揚先祖所  
以崇孝也者釋所以必銘義也為崇於孝道故稱揚先



祖也身比焉順也者比次也先稱祖德而已身雖自著名次於下是崇孝順之行也明示後世教也者為人子孫能得稱揚先祖明示後世使後世敦慕即是教也又曰烈業也王功曰勲事功曰勞周禮司勲文云傳著於鍾鼎也者傳附也言鐫勒先祖功名附著於鍾鼎或解傳為傳述於鍾鼎義亦通也云自著名以稱揚先祖之德者解經身比焉示孝順之行也者以解經順也云教者所以教後世者言稱先祖明云後世所以教後世使如先祖之善也故云教也夫銘者壹稱而上下皆得焉耳矣是故君

子之觀於銘也既美其所稱又美其所為

美其所為美此人為此銘

疏曰夫銘者壹稱謂造銘唯壹稱先祖之善而上下皆得焉耳矣者上謂光揚先祖下謂成已順行又垂教來世也既美其所稱又美其所為者釋上下皆得也所稱謂先祖也所為謂已身行業也君子有德之士觀銘

必見此二為之者明足以見之仁足以與之知足以利

事之美

之可謂賢矣賢而勿伐可謂恭矣

見賢通反注同知音

之見其先祖之美也仁足以與之與其先祖之銘也非有仁恩君不使與之也知足以利之利已名得此於先祖疏曰為之者謂為銘之人也明足以見之者謂已有顯明之德足以見先祖之美仁足以與之者謂已有仁恩故君上足以著先祖之名與之知足以利之者謂已有知謀足以利益於已得上比先祖也可謂賢矣者言為銘之人備此三事所以為賢賢而勿伐可謂恭矣者既備三事為賢又不自伐是為恭也故云可謂恭矣故衛孔悝之鼎銘曰六月丁亥公假于大廟

悝口回反假加百反

注同孔悝衛大夫也公衛莊公蒯瞶也德孔悝之立已依禮褒之以靜國人自固假至也至於大廟謂以夏

之孟夏禘祭 蒯苦怪反 賸五怪反 疏曰云德孔悝  
之立已者案哀二年晉趙鞅納蒯賸于戚至哀十五年  
傳云衛孔圉娶蒯賸之妙生悝孔氏之豎渾良夫通於  
伯姬伯姬使良夫往蒯賸蒯賸與良夫入衛舍孔氏之  
外圃遂入適伯姬氏伯姬與太子五人迫孔悝於厠強  
盟之遂刼以登臺於是得國是德孔悝之立已也假至  
也釋詁文云至於大廟謂之夏之孟夏禘祭者以經云  
六月是周之六月周之六月是夏之孟月禘祭之時以  
諸侯命臣在於祭日案左傳哀十五年冬蒯賸得國十  
六年六月衛侯飲孔悝酒而逐之此得六月命之者蓋  
命後即逐之 公曰叔舅乃祖莊叔左右成公成公乃命  
故俱在六月 莊叔隨難于漢陽即宮於宗周奔走無射  
如字難乃旦反射音亦 公曰叔舅者公為策書尊呼  
孔悝而命之也乃猶女也莊叔悝七世之祖衛大夫孔

達也隨難者謂成公為晉文公所伐出奔楚命莊叔從  
焉漢楚之川也即宮於宗周後反得國坐殺弟叔武晉  
人執而歸之於京師寘之深室也射厭也言莊叔常奔  
走至勞苦而不厭倦也周既去鎬京猶名王城為宗周  
也女音汝從才用反疏曰叔舅者孔惺是異姓大  
夫年幼故稱叔舅乃祖莊叔者乃女也祖莊叔者謂孔  
惺之七世祖孔達也左右成公者左右助也輔助衛成  
公成公乃命莊叔隨難于漢陽者難謂成公被晉所伐  
出奔於楚謂成公命孔達隨出逃難而往漢陽即是楚  
地在漢水之北即宮於宗周者即就也宮謂宮室成公  
後得反國又坐殺弟叔武被晉討之歸于京師寘於深  
室之中是即宮也奔走無射者言孔達隨難漢陽及即  
宮於宗周常奔走勞苦無厭倦又曰案世本莊叔達生  
得閭叔穀穀生成叔烝鉏鉏生項叔羅羅生昭叔起起  
生文叔圉圉生惺莊叔是惺七世祖也云成公為晉文  
公所伐出奔楚者案僖二十八年左傳稱衛與楚晉文

公敗楚於城濮衛侯懼出居於襄牛遂奔楚云生殺弟叔武晉人執之而歸於京師寘之深室也者亦僖二十八年左傳文晉人歸衛侯入其室弟叔武將沐聞君至喜捉髮走出前驅欲夫射而殺之其大夫元咺出奔晉訟衛侯衛侯不勝執衛侯歸之于京師寘諸深室是其事也案左傳於時無孔達之事而云之者傳文不具或者刪贖欲褒美孔悝故假啟右獻公獻公乃命成叔纂其先祖之功而言之也

乃祖服獻公衛侯衍成公會孫也亦失國得反言莊叔之功流於後世啟右獻公使得反國也成叔莊叔之孫成子烝鉏也右助也纂繼也服事也獻公反國命成子繼女祖莊叔之事欲其忠如孔達也疏曰啟右獻公獻公乃命成叔纂乃祖服者啟開也右助也言莊叔餘功流於後世能右助獻公獻公雖復出奔乃得反國其時孔達之孫成叔輔佐獻公故獻公乃命成叔纂繼女祖孔達舊所服行之事又曰案衛世家衛成公

生穆公穆公生定公定公生獻公是衍為成公曾孫云  
亦失國得反者案襄十四年左傳稱衛孫文子甯惠子  
逐衛侯衛侯出奔齊是亦失國也稱亦者亦成公也其  
時亦非成叔之功假言之也云纂繼也服事也釋詁文  
下注率循也乃考文叔興舊者欲作率慶士躬恤衛國  
亦釋詁文

其勤公家夙夜不解民咸曰休哉

者市志反解古賣反  
文叔者成叔之曾

孫文子圉即愷父也作起也率循也慶善也士之言事  
也言文叔能興行先祖之舊德嗜起而循其善事疏曰  
乃考文叔者孔圉是孔愷之父故云乃考興舊嗜欲者  
言父圉能興行先祖舊德嗜欲所為作率慶士躬恤衛  
國其勤公家夙夜不解民咸曰休哉者作起也率循也  
慶善也士事也言孔愷能起發依循善事躬優恤衛國  
勤勞公家早夜不解怠民皆曰功德休公曰叔舅予女  
美哉此是孔愷先祖功業鼎銘之辭也

銘若纂乃考服

若乃猶女也公命惓予女先祖以銘以尊顯之女繼女父之事欲其忠如文子

也成公獻公莊公皆失國得反言孔氏世有功焉寵之也疏曰公曰叔舅予女銘若纂乃考服此一節明

賁與孔惓銘之言也及勅戒惓拜稽首曰對揚以辟之

之使繼先祖故云纂乃考服

辟必亦反又婢尺反對遂也辟明也言遂揚君命以

明我先祖之德也疏曰此一節明孔惓拜受君恩言

已光揚先祖之德行君之大命著於彝鼎對揚以辟之

者對遂也揚稱揚也辟明也言已遂稱揚君命以光明

我先祖之美勤大命施于烝彝鼎施猶著也言我將行君之

之尊也周禮大司馬書於宗彝疏曰勤大命施于烝

彝鼎者勤行也施著也烝謂烝祭言已勤行君之大命

著於烝祭之此衛孔惓之鼎名也言銘之類衆多也略

彝尊及鼎也此衛孔惓之鼎名也取此一以言之疏

曰記者錄其銘故以結之但休哉以上是稱其先祖公曰叔舅以下至彝鼎是自著其名於下是以身比焉比先祖也古之君子論譔其先祖之美而明著之後世者也

以此其身以重其國家如此

如莊公命孔悝之為也莊公孔悝雖無令德以終其

事於禮是行之非

子孫之守宗廟社稷者其先祖無美而稱之

是誣也有善而弗知不明也知而弗傳不仁也此三者

君子之所恥也昔者周公且有勲勞於天下周公既沒

成王康王追念周公之所以勲勞者而欲尊魯故賜之

以重祭外祭則郊社是也內祭則大嘗禘是也

言此者王室所



銘若周公之功 疏曰此一節因上說鼎銘明先祖之善故此明周公之勲子孫纂之特重於餘國亦光揚之事外祭則郊社者諸侯常祭唯社稷以下魯之祭社與郊連文則用天子之禮也內祭則大嘗禘者祫祭在秋也大嘗禘祭在夏也是大嘗禘得用天子之禮所以為大嘗禘也餘諸侯則不得大嘗禘 夫大嘗禘升歌清廟下而管象朱干玉戚以舞大武八佾以舞大

夏此天子之樂也康周公故以賜魯也

清廟頌文王之詩也管象吹管

而舞武象之樂也朱干赤盾戚斧也此武象之舞所執也佾猶列也大夏禹樂文舞也執羽籥文武之舞皆八列互言之耳康猶寢大也易晉卦曰康侯用錫馬疏曰升歌清廟者升堂歌清廟清廟頌文王之詩也下而管象者堂下吹管而舞武象之樂也朱干玉戚以舞大武者朱干赤盾也戚斧也以玉飾其柄此武象之舞所

執八佾以舞大夏者大夏禹樂文舞也執羽籥此天子之樂也康周公故以賜魯也者升歌清廟以下並是天子之樂故以此結之也又曰言文武之樂皆八列互言之耳者以經云八佾以舞大夏舞大武不顯佾數則舞大武示八佾也大武云朱干玉戚其大夏則不用朱干玉戚當用羽籥而云互文者以大夏言舞數則大武亦當有舞數大武言所執舞器則大夏亦有舞器故云互也易晉卦康侯用錫馬者證康是褒崇之義案易晉卦坤下離上日出於地為子孫纂之至于今不廢所以明晉晉進也言明進也

周公之德而又以重其國也

不廢不廢其此禮樂也重猶尊也疏曰子孫至國

也者言魯是周公子孫繼周公之後至今不廢此禮樂謂作記之時也所以明周公之有德而又以尊重其魯國也  
祭統  
天下之禮致反始也致鬼神也致和用也

致義也致讓也

因祭之義汎說禮也致之言至也使

之屬也至於鬼神謂祭宗廟之屬也

宰我曰吾聞鬼神之名不知其所

謂子曰氣也者神之盛也魄也者鬼之盛也合鬼與神

教之至也

氣謂嘘吸出入者也耳目之聰明為魄合鬼神而祭之聖人之教致之也疏曰自此以

下至以祀先王先公敬之至也此一節明宰我問鬼神之事夫子答以鬼神魂魄祭祀之禮又廣明天子諸侯

耕藉及公桑之事今各隨文解之不知其所謂者宰我善問孔子吾唯識鬼神之名不知此鬼神所謂何物為

鬼神子曰氣也者神之盛也者此夫子答宰我以神名言神是人生存之氣氣者是神之盛極也魄也者鬼之

盛也者是夫子答鬼之事言人形魄者鬼之盛極也合鬼與神教之至也者言人死神上於天鬼降於地聖王

合此鬼之與神以祭之至教之致也是聖王設教致合如此故云教之至也又曰氣謂嘘吸出入也者謂氣在口噓吸出入此氣之體無性識也但性識依此氣而生有氣則有識無氣則無識則識從氣生性則神出入也故人之精靈而謂之神云耳之聰明為魄者魄體也若無耳目形體不得為聰明故云耳目聰明為魄云合鬼神而祭之聖人之教致之也者人之死其神與形體分散各別聖人以生存之時神形和合今雖身死聚合鬼神似若生人而祭之是聖人衆生必死死必歸土此之設教時致之令其如此也

謂鬼骨肉斃于下陰為野土

陰讀為依陰之陰言人之骨肉陰於地中為土壤

疏曰此經明鬼神之事衆生必死者言物之羣衆而生必皆有死死必歸土者言萬物死者皆歸於土此一經因而言物實是本說人也此之謂鬼者鬼歸也此歸土之形故謂之鬼也骨肉斃于下陰為野土者此覆說歸

土之義也言死骨肉斃敗於地下依陰於地為野澤土壤謂在田野故稱為野土俗本陰作蔭字也其氣

發揚于上為昭明焄蒿悽愴此百物之精也神之著也

焄許云反焄謂香臭也蒿謂氣蒸出貌也上言衆生此言百物明其與人同也不如人貴爾蒿或為蕪

表驕反又皮表反疏曰此一經申明神也此科釋人氣為神言人生時形體與氣合共為生其死則形與氣

分其氣之精魂發揚升於上為昭明者言此升上為神靈光明也焄蒿悽愴此百物之精也者焄謂香臭也言

百物之氣或香或臭蒿謂蒸出貌言此香臭蒸而上出其氣蒿然也悽愴者謂此等之氣人聞之情有悽有愴

百物之精也者人氣揚於上為昭明百物之精氣為焄蒿悽愴人與百物共同但情識為多故特謂之神此經

論人亦因人神言百物也神之著也者因物之精制為

人氣發揚於上為昭明是人神之顯著

之極明命鬼神以為黔首則百眾以畏萬民以服黔其

廉反

又其嚴反明命猶尊名也尊極於鬼神不可復加也黔首謂民也則法也為民作法使民亦事其祖禰鬼神

民所畏服為于偽反疏曰此一經明聖人設教合鬼與神而祭之欲使人事其祖禰畏敬鬼神因物之精

制為之極者言聖人因人與物死之精靈遂造制為之尊極之稱明命鬼神以為黔首則者明猶尊也命猶名

也黔首謂萬民也則法也故尊名人及萬物之精謂之鬼神以為萬民之法則也百眾以畏萬民以服者百眾

謂百官眾庶萬民謂天下眾民既敬之以鬼神下皆畏敬之故云百眾以畏萬民以服又曰鬼神本是人與物

之魂魄若直名魂魄其名不尊故尊而名之為鬼神別加畏敬之也云尊極於鬼神不可復加也者解經制為

之極所以名鬼神為極者言物中尊極莫過鬼神言以外他名不可復加故聖王造制為之極名鬼神也云黔

首謂氏也者黔謂黑也凡人以黑巾覆頭故謂之黔首  
案史記云秦命民曰黔首此記作在周末秦初故稱黔  
首此孔子言非常秦世以為黔首錄記之人在後變  
改之耳漢家僕隸謂蒼頭以蒼巾為飾異於民也

此經鬼神本為民神故下文築為宮室設為宗祧其  
實此鬼神亦兼山川五祀百物之屬故禮運云列於鬼  
神注云謂祖廟山川五祀之屬樂記云幽則有鬼神注  
云助天地成物者是百物之魄謂之鬼對則精靈為魂  
形體為魄故昭七年左傳云人生始化曰魄既生魄陽  
曰魂是形為魄氣為魂若散而言之魄亦性識識與魄  
無異故昭二十五年左傳云心之精爽是謂魂魄又  
去之何以能久又襄二十九年左傳云天奪伯有魄又  
對而言之天曰神地曰祗人曰鬼散而言之道曰鬼神  
聖人以為未足也築為

宮室設為宗祧以別親疏遠邇教民反古復始不忘其

所由生也衆之服自此故聽且速也

自由也言人由此服於聖人之教也

聽謂順教令也速疾也

疏曰此一經明聖人為鬼神

立宗廟之事聖人以為未足也者謂以是尊名鬼神

為未足謂未稱其意也築為宮室設為宗祧以別親疏

遠邇教民反古復始古謂先祖追而祭之是反古也始

謂初始父母始生於已今追祭祀是復始也不忘其所

由生也者追遠報祭是不忘其所由生也衆之所復自

此者自由也言衆人服從於上由此反古復始而教之

也故聽且速也者聽謂順其教令以此之故在下順其

教令而且二端既立報以二禮建設朝事燔燎糝薌見

速疾也

二端既立報以二禮建設朝事燔燎糝薌見

以蕭光以報氣也此教衆反始也薦黍稷羞肝肺首心

見閒以挾甒加以鬱鬯以報魄也教民相愛上下用情



禮之至也

燔音煩燎力召反又力吊反薌音香見以見閒皆合為覲音閒廁之閒狹古洽反覲音武

二端既立謂氣也魄也更有尊名云鬼神也二禮謂朝事與薦黍稷也朝事謂薦血腥時也薦黍稷所謂饋

食也見及見閒皆當為覲字之誤也羶當為馨聲之誤也燔燎馨香覲以蕭光取牲祭脂也光猶氣也有虞氏

祭首夏后氏祭心殷祭肝周祭肺覲以俠覲謂雜之兩無醴酒也相愛用情謂此以人道祭之也報氣以氣報

魄以實各首其類疏曰此一節論氣魄既殊明設祭之時二禮亦異二端既立者謂氣也魄也既見乃興立

尊名云鬼神也報以二禮者謂報此氣魄以二種祭禮報氣謂朝踐之節也報魄謂饋孰之節也建設朝事燔

燎羶薌見以蕭光以報氣者此明朝踐報氣之義也朝事謂早朝祭事燔燎謂取腍骨燎於爐炭羶謂馨香見

以蕭光謂見覲謂雜也光謂氣也謂燔腍骨兼蒸蕭蒿是雜以蕭氣此等三祭是以報氣也此教衆反始也

者言此上之祭氣是古者尚質之義是故救衆之以反  
於初始此上反古復始總包之也薦黍稷羞肝肺首心  
見閒以俠觶加以鬱鬯以報魄也者薦黍稷者謂饋孰  
時薦此黍稷羞肝肺首心者羞進也謂薦黍稷之時進  
肝之與肺及首之與心殷祭以肝周祭以肺有虞氏以  
首夏后氏以心皆謂祭黍稷之時兼此物祭也故郊特  
牲云祭黍稷加肺謂周法也見閒以俠觶者見閒讀為  
醴亦雜也俠觶謂兩觶醴酒言祭黍稷之時難以兩觶  
醴酒加以鬱鬯者謂薦此黍稷加肝肺之薦更加之以鬱  
鬯然後薦黍稷饋孰報魄之時始云加鬱鬯者言非但  
薦孰是報魄言祭初所加鬱鬯亦是報魄也以魄在地  
下鬱鬯灌地雖是祭初亦是報魄不當薦孰之時故云  
加也以報魄也者言薦黍以下皆是報祭形魄之義教  
民相愛上下用情者言此饋孰之時皆以飲食實味徧  
於燕飲是教民相愛上以恩賜逮下下愛上恩賜故上  
下用情禮之至也者至謂至極也謂報氣報魄二禮備

足是禮奉先王禮之至極也又曰云更有尊名云鬼神也者解經二端既立氣也魄也是二端更有尊名名鬼神是既立謂尊名立也云二禮謂朝事與薦黍稷也者以經云朝事以報氣薦黍稷以報魄也云見及見閒皆當為閒字之誤也者經云見以蕭光但有見字在旁無閒閒旁無見字此等據意皆是閒雜之理故知誤加以閒邊加見凡閒者所見錯雜之義故閒旁見也云羶當為馨以與香連文無取羶義羶馨聲相近故云聲之誤也云取牲祭脂也者案詩生民云取蕭祭脂是取蕭與祭牲之時雜燒之一祭之中再度焘蕭朝踐燔脾膋之時亦有蕭也故郊特牲云取脾膋升首報陽也注云脾膋腸閒脂也與蕭合燒之是朝踐焘蕭也郊特牲又云既奠然後焘蕭合羶蕭是饋孰焘蕭也云有虞氏祭首至周至肺皆明堂位文云兩甒醴酒也者以士喪禮既夕等皆以甒盛醴故知醴酒也此用甒者蓋是天子追享朝踐用大尊此甒即大尊或可予男之禮禮器云君

尊瓦甒謂子男也皇氏以為異代法也云報氣以氣報魄以實各首其類者燭燎馨香蕭光之屬是氣也黍稷肝肺之屬是實物也首木也報氣以氣是虛還以馨香虛氣報之報魄以實還以黍稷實物報之各本其事類故云各首君子反古復始不忘其所由生也是以致其其類也

敬發其情竭力從事以報其親不敢勿盡也

從事謂修薦可以祭

者也

疏曰此一節申明反古復始竭力報親之事是

以致其敬發其情者以君子反古復始不忘其所由生

是以致恭敬發情性竭力從事以報其親謂竭盡氣力隨從其事以上報其親不敢不極盡也是故昔

者天子為藉千畝冕而朱紘躬秉耒諸侯為藉百畝冕

而青紘躬秉耒以事天地山川社稷先古以為醴酪齊

盛於是乎取之敬之至也

藉在亦反絃音宏齊音咨藉藉田也先古先祖

疏曰

以君子報魄不敢不盡心以事之故古天子諸侯有藉田以親耕以事天地山川社稷先古者上雖總論天子諸侯此言天地者特據天子自外則通先古謂先祖也以為醴酪齊盛於是乎取之者為祭祀諸神須醴酪粢盛之屬於是乎藉田而取之敬之至也

古者天子諸侯必有養獸之官及

歲時齊戒沐浴而躬朝之犧牷祭牲必於是取之敬之

至也君召牛納而視之擇其毛而卜之吉然後養之君

皮弁素積朔月月半君巡牲所以致力孝之至也

齊側皆反

朝直遙反牲音全

歲時齊戒沐浴而躬朝之謂將祭祀卜牲君朔月月半巡視之君召牛納而視之更本擇

牲意疏曰此一經明孝子報親竭力養牲之事及歲時齊戒沐浴而躬朝之者云歲時謂每歲依時謂朔月月半也躬親也既卜牲吉在牢養之而身朝之言朝者敬辭也犧牲祭牲必於是取之者犧純色謂天子牲也牲完也謂諸侯牲也犧牲所祭之牲必於是養獸之官受擇取之養獸者若周禮牧人也君召牛納而視之者此更本擇牲之時君於牧處更命取牛采納之於內而視之君皮弁素積朔月月半君巡牲者即前言歲時朝之也巡行也皮弁諸侯視朔之服朔月月半君服此衣而巡牲所以致力孝之至也者是孝道之至極耕藉云敬之至養牲云古者天子諸侯必有公桑蠶室近川而孝之至互文也

為之築宮仞有三尺棘牆而外閉之及大昕之朝君皮弁素積卜三宮之夫人世婦之吉者使入蠶于蠶室奉

種浴于川桑于公桑風戾以食之

昕許斤反奉芳勇反種章勇反戾力計反

食音嗣

大昕李春朔日之朝也

諸侯夫人三宮半王

后也風戾之者

及早涼脆米之風戾之使露氣燥乃以

食蠶蠶性惡濕

食蠶蠶性惡濕

脆七歲反惡烏路反

疏曰公桑蠶

室者謂官家之桑

於處而築養蠶之室近川而為之者

取其浴蠶種便也

築宮仞有三尺棘牆而外閉之者築

宮謂築養蠶宮牆七尺曰仞言牆之七尺又有三尺高

一丈也傳云雉有三尺雉字者誤也棘牆者謂牆上置

棘外閉謂扇在戶外閉也大昕之朝為李春朔日之朝

卜三宮之夫人者諸侯之夫人半王后故三宮世婦之

吉者亦諸侯世婦卜取之吉者前雖則總舉天子諸侯

此特舉諸侯互言之奉種浴于川者言蠶將生之時而

又浴之初於仲春巳浴之至此更浴之風戾以食之者

戾乾也凌早采桑必帶露而歲既單矣世婦卒蠶奉繭

濕蠶性惡濕故乾而食之

歲既單矣世婦卒蠶奉繭

以示于君遂獻繭于夫人夫人曰此所以為君服與遂

副禕而受之因少牢以禮之

單音丹與音餘禕音暉

也

言歲者蠶歲之大功事畢於此也副禕王后之服而云

夫人記者容二王之後與禮之禮奉繭之世婦

疏曰

歲既單矣者單盡也三月之末四月之初遂獻繭于夫

人者蠶是婦人之事故獻繭于夫人夫人曰此所以為

君服與者所舉奉處重遂副禕而受之者既擬于君之

祭服故夫人首著副身著禕衣受此所獻之繭因少牢

以禮之者接

獻繭之世婦古之獻繭者其率用此與

率音類又音律又所律反問

者之辭

疏曰率法也夫人曰獻繭之

及良日夫人繅

法自古如此邪重事之義故問之也三盆手遂布于三宮夫人世婦之吉者使繅遂朱綠之



玄黃之以為黼黻文章服既成君服以祀先王先公敬

之至也

纁悉刀反手振之以出緒也

三盆手者三淹也凡纁淹大總而疏曰及良日夫人纁者良

日謂吉日宜纁之日明纁更擇吉利之日日至而後乃夫人自纁三盆手者猶三淹也手者每淹以手振出其緒故云三盆手遂布于三宫夫人世婦之吉者使纁者以夫人親纁三盆以手振出其緒訖遂布與三宫夫人世婦之吉者既據諸侯言之則夫人唯一人世婦之吉者此雜互天子而言之以天子有三夫人就其中取吉若諸侯唯世婦之吉者養蠶纁非一人而已唯云世婦之吉者擇其吉者以為主領非唯一人而已以祀先王先公敬之至也者前文解耕藉男子之事故云以事天地山川社稷兼云先祖養蠶是婦人之事婦人不與外祭故云以祀先王先公其實養蠶為衣亦事天地山川社稷又曰案內司服注云唯二王後祿衣與此注同案

明堂位魯公夫人亦用禕衣此不言者魯為特賜非常法此據常者故不言

祭之日君牽

牲穆答君卿大夫序從

從才用反

祭謂祭宗廟也穆對也序以次第從也

序或為豫

疏曰前經郊祭之致敬此一節祭廟牽牲致敬穆答君者穆謂于姓答對也言祭廟君牽牲之時

于姓對君共牽牲卿大夫序從者卿大夫佐幣士奉芻依次第而從君也又曰知穆是于姓者熊氏云父昭于

穆姓生也是昭穆所生謂于孫直言穆者文不備

既入廟門麗於碑卿大夫袒

而毛牛尚耳鸞刀以封取胙膋乃退燭祭祭腥而退敬

之至也

封苦圭反胙音律膋力彫反燭音燭

麗猶繫

也燭祭祭腥祭燭肉腥肉也湯肉曰燭燭祭祭腥或為合祭腥泄膋孰也

膋直輒反

疏曰既入廟門麗于

碑者麗繫也君牽牲入廟門繫著中庭碑也王肅云以  
絹貫碑中君從此待之也卿大夫袒而毛牛尚耳者將  
殺牲故袒取牛毛薦之故云毛牛也以耳毛為上故云  
尚耳耳主聽欲使神聽之鷹刀以刳取脾脅者謂用鷹  
刀刳割牲體又取血及腸閒脂血以供薦而脅以供炙  
肝及燕蕭也乃退者謂殺牲竟而取卿大夫所刳血毛  
脾薦薦之竟而退也祭有三節此一節竟故退燔祭祭  
腥者燔謂燔肉而祭腥謂以腥肉而祭言薦脾脅之後  
以俎載燔肉腥肉而祭也又曰案說文及字林云脾血  
祭脅是牛腸閒脂也是脾為血脅為腸閒脂也云燔祭  
祭腥祭燔肉腥肉也者既疊出經文燔祭之事祭腥之  
語然後解云謂祭燔肉也腥肉也祭燔肉即經之燔祭  
也云腥肉即經之祭腥也其祭腥肉燔肉並當朝踐之  
節此腥肉則禮運云腥其俎也燔肉即禮運云孰其  
散也此先云燔者記者便文耳非先後之次云湯肉曰燔  
者以鬼神異於生雖曰孰散但湯肉而已若其小祀則

煮肉令孰故郊特牲云一獻孰是燭與孰又別也云燭祭  
祭腥或云合祭腥泄腥孰也者謂燭祭祭腥四字禮記  
他本為合祭腥泄腥孰六  
守者故云或  
以上祭義  
夫禮之初始諸飲食其燔

黍稷豚汗尊而抔飲蕡桴而土鼓猶若可以致其敬於

鬼神  
燔音煩  
抔卜麥反注作桴又作壁汗烏華反一音  
烏杯步候反蕡音凶苦對反又苦怪反桴音浮

言其物雖質略有齊敬之心則可以薦羞於鬼神鬼神  
享德不享味也中古未有釜甑釋米稗肉加於燒石之  
上而食之耳今北狄猶然汗尊鑿地為尊也抔飲手掬  
之也蕡讀為凶聲之誤也凶壩也謂搏土為桴也土鼓  
築土為鼓也  
齊側皆反燒如字又舒照反壩音逼反  
疏曰此一節論上代物雖質略以其齊敬可以致祭  
神明夫禮之初始諸飲食者從此以下至禮之大成皆  
是二書所見之事夫者發語之端禮謂吉禮此吉禮元

初始諸飲食諸於也始於飲食者欲行吉禮先以飲食  
為本但中古之時飲食質略雖有火化其時未有釜餽  
也其燔黍捭豚者燔黍者以水洮釋黍米加於燒石之  
上以燔之故云燔黍或捭折豚肉加於燒石之上而孰  
之故云捭豚汙尊而抔飲者謂鑿地汙下而盛酒故云  
汙尊以手掬之而飲故云抔飲蕢桴者又搏土為桴  
皇氏云桴謂擊鼓之物故云蕢桴土鼓築土為鼓故云  
土鼓猶若可以致其敬於鬼神者言上來之物非但可  
以事生若如也言猶如此亦可以致其恭敬於鬼神以  
鬼神享德不享味也又曰伏犧為上古神農為中古五  
帝為下古若易歷三古則伏犧為上古文王為中古孔  
子為下古故易緯云蒼牙通靈昌之成運孔演命明道  
經蒼牙則伏犧也昌則文王也孔則孔子也故易繫辭  
云易之興也其於中古乎謂文王也若三王對五帝則  
五帝亦為上古故士冠禮云大古冠布下云三王其皮  
弁則大古五帝時大古亦上古也不同意者以其文各有

所對故上古中古不同也此云中古者謂神農也知者以明堂位云土鼓葦籥伊耆氏之樂又郊特牲云伊耆氏始為蜡蜡是報田之祭伊耆氏始為蜡則於時始為田也今此云蕢桴土鼓故知此謂神農也蕢讀為由者以經中蕢字乃是草名不可為桴桴與土鼓相連由是土之流類故讀為由由塉也廣雅文云土鼓築土為鼓者以與汙尊杯飲相連貴尚質素故知築土為鼓周代極文而不爾也故杜注周禮籥章云以瓦為缶不須築土或以為桴則搏拊也謂搏土為搏拊以手擊之而為樂其築土為鼓先儒未詳蓋築地以當鼓節不云築地鼓者以經稱土鼓故言築土順經文也經云禮之初始諸飲食謂祭祀之禮故始諸飲食其人情之禮起則遠矣故昭二十六年左傳云禮之可及其死也升屋而號以為國也久矣與天地並是也

告曰臯某復號

號戶毛反招之於天

然後飯腥而苴孰

飯扶晚反苴子餘反

徐爭初反飯以稻米上古未有火化苴孰取遺奠有  
火利也苴或為俎遺棄戰反疏曰上古古代質素  
此言後世漸文謂五帝以下至於三王及其身之死也  
升上屋而號呼告曰皋某復者謂北面告天曰皋皋引  
聲之言某謂死者名令其反復魄復魄不復然後浴尸  
而行含禮於含之時飯用生稻之未故云飯腥用上古  
未有火化之法苴孰者至欲葬設遺奠之時而用包裹  
孰肉以遣送尸法中古脩火化之利也熊氏云升屋而  
號為五帝時或為三王時皇氏云故天望而地藏也體  
中古也中古未有宮室皇說非也  
魄則降知氣在上知音智地藏為葬疏曰天望謂  
尸也體魄則降知氣在上者覆釋所以天望地藏之意  
所以地藏者由體魄則降故也所以天望招之於天由  
知氣在故死者北首首手又反首陰也生者南鄉鄉許亮反  
上故也故死者北首首陰也生者南鄉鄉許亮反疏

曰故死者北首生者南鄉者體魄降於地為陰故死者北首歸陰之義死者既歸陰則生者南鄉歸陽也皆

從其初

謂今行之然也

疏曰皆從其初者謂今世飯

始為此事皆取法於上古中古而來故云皆從其初前

文云燔黍捭豚謂中古之時次云及其死也似還論中

古之死但中古神農未有宮室上棟下宇乃在五帝以

來此及其死也而云升屋則非神農時也故熊氏云及

其死也以為五帝時或為三王時皇氏以為及其死也

還論中古時飯腥苴孰謂五帝時故云然後其義非也

昔者先王未有宮室冬則居營窟夏則居橧巢

窟若忽反橧則

登反

寒則累土暑則聚薪柴居其上

疏曰昔者至

羽皮此一節更論上古之事昔者先王既云未有宮室

則總是五帝之前云未有火化之事則唯為伏犧之前

以上文中古神農有火故也冬則居營窟者營累其土



而為窟地高則穴於地地下則窟於地上謂於地上未累土而為窟夏則居櫓巢者謂櫓聚其薪以為巢

有火化食腥也食草木之實鳥獸之肉飲其血茹其毛未

有麻絲衣其羽皮茹音汝衣於既反此上古之時也

之肉若不能飽者則茹食其毛以助飽也若漢時蘇武以雪雜羊毛茹食之是其類也後聖有作

作起疏曰後聖至其朔此一節論上古神農及五帝與三王之事各隨文解之後聖有作者釋上古之後聖

人作起然後修火之利孰治萬物疏曰然後修火之利者謂神農也火利言修者火利先

有用之簡少至神農更修益使多故云修知者以世本云燧人出火案鄭六藝論云燧人在伏羲之前凡六紀

九十一代廣雅云一紀二十六萬七千年六紀計一百六十萬二千年也孰謂亨肅治謂陶鑄也

範金

鑄作器用

疏曰范金

合土

合如字

徐音閤

瓦甗甗

者謂為形范以鑄金器

合土

及甗大

甗步歷反

甗音

武大音大

疏曰

合土者

謂和合

其土燒之

以作器物

物

檀弓云有虞氏之瓦棺

釋器云

甗甗謂之

甗郭注云

甗甗

甗甗

甗甗

塼也禮器云

右尊瓦甗

又明堂位云

以為臺榭

宮室牖

戶者謂五

帝時也

戶榭器之所藏也

疏曰

以為臺榭

宮室牖

戶者謂五

帝時也

帝時也

羊云樂器藏焉爾穀梁

以炮

裏燒

以燔

燔音煩

以亨

亨

云樂器之所藏是也

以炙

貫之

以為醴

醴音禮

醴音洛

醴

亨普倅反

以炙

貫之

以為醴

醴音禮

醴音洛

醴

煮之鑊也

以炙

貫之

以為醴

醴音禮

醴音洛

醴

七故反

以炙

貫之

以為醴

醴音禮

醴音洛

醴

反徐祖冀反

以炙

貫之

以為醴

醴音禮

醴音洛

醴

鬼神上帝皆從其朔

朔亦初也

亦謂今行之然

疏曰

以

以

以

炮以燔以為醴醴及治其麻絲

以

以

以

以

以

以

以

以

以

以

以

以

以

以

以

以

以

以

以

以

為布帛之屬亦五帝時也皆從其朔者謂今世所為范金合土燒炙醴酪之屬非始造之皆倣法中古以來故云皆從其朔故玄酒在室醴醕在戶粢醕在堂澄酒在下陳

其犧牲備其鼎俎列其琴瑟管磬鍾鼓脩其祝嘏以降

上神與其先祖以正君臣以篤父子以睦兄弟以齊上

下夫婦有所是謂承天之祜

醕側簡反粢才細反醕音醴嘏古雅反此言今禮

饌具所因於古及其事義也案讀為齊聲之誤也周禮五齊一曰泛齊二曰醴齊三曰盎齊四曰醕齊五曰沈

齊字雖異醕與盎澄與沈盎同物也奠之不同處重古畧近也祝祝為主入饗神辭也嘏祝為尸致福於主人

之辭也祜福也福之言備也案音咨泛芳歛反徐音為于偽反疏曰此一節明祭祀因於古昔所供之

欽定四庫全書

卷二十九

物并酒之所陳之處玄酒在室者玄酒謂水也以其色黑謂之玄而大古無酒此水當酒所用故謂之玄酒以今雖有五齊三酒貴重古物故陳設之時在於室內而近北醴醖在戶醴謂醴齊醖謂醖齊以其後世所為賤之陳列雖在室內稍南近戶皇氏云醴在戶內醖在戶外義或然也其泛齊所陳當在玄酒南醴齊北雖無文約之可知也以熊氏並云此據神祭用四齊不用泛齊也案醖在堂者以卑之故陳列又南近戶而在堂澄酒在下者澄謂沈齊也酒謂三酒事酒昔酒清酒之等稍卑之故陳在堂下也陳其犧牲者謂將祭之夕省牲之時及祭日之旦迎牲而入麗於碑案特牲禮陳鼎于門外北面獸在鼎南東首犧牲在獸西西北首其天子諸侯夕省牲之時亦陳於廟門外橫行西上備其鼎俎者以牲煮於鑊鑊在廟門之外鼎隨鑊設各陳於鑊西取牲體以實其鼎而入設於阼階下南北陳之俎設於鼎西以次載於俎也故云備其鼎俎案少牢陳鼎于

廟門之外東方北面上又云鼎入陳于東方當序西  
面北上俎皆設于鼎西是也列其琴瑟者琴瑟在堂而  
登歌故書云搏拊琴瑟以詠是也管磬鍾鼓者堂下之  
樂則書云下管鼗鼓笙鏞以間是也其歌鍾歌磬亦在  
堂下修其祝嘏者祝謂以主人之辭饗神嘏謂祝以尸  
之辭政福而嘏主人也以降上神與其先祖者上神謂  
在上精魂之神即先祖也指其精氣謂之上神指其亡  
親謂之先祖協句而言之分而為二耳皇氏熊氏等云  
上神謂天神也以正君臣者祭統云君在廟門外則疑  
於君入廟門則全於臣是以正君臣也以篤父子者祭  
統云尸南面父北面而事之是篤父子也以睦兄弟者  
祭統云昭與昭齒穆與穆齒特牲云主人洗爵獻長兄  
弟衆兄弟是以睦兄弟也以齊上下者祭統云尸飲五  
君洗玉爵獻卿尸飲七以瑤爵獻大夫是也夫婦有所  
者禮器云君在阼夫人在房及特牲夫婦交相致爵是  
也是謂承天之祐者言行上事得所則承受天之祐福

也又曰今禮饌具所因於古者此玄酒在室及下作其祝號并然後退而合亨皆是今世祭祀之禮醴醢犧牲之屬是饌具也用古玄酒醴醢是所以因於古故言今禮饌具所因於古也云及其事義者從玄酒以下至其先祖以上是事也以正君臣以下至承天之祜是義也云案讀為齊者案爾雅云梁稷也作酒用黍不用稷故知梁當為齊聲相近而致誤引周禮五齊者是酒正文也鄭注云泛者成而滓浮泛泛然如今宜成醪矣醴者成而汁滓相將如今恬酒矣盎猶翁也成而翁翁然葱白色如今鬱白矣緹者成而紅赤如今下酒矣沈者成而滓沈如今造酒矣云醢與盎澄與沈蓋同物者以酒正文醴緹之間有盎此醴醢之間有醢又周禮緹齊之下有沈齊此醢齊之下有澄齊故云醢與盎澄與沈蓋同物也案此注澄是沈齊案酒正注澄酒是三酒二注不同故趙商疑而致問鄭答之云此本不誤轉寫盎澄字耳如鄭所答是轉寫酒正之文誤盎澄字當云酒

三酒也則是與禮運注同然案坊記云醴酒在室醕酒在堂澄酒在下示民不淫也注云淫猶貪也又以澄為清酒田瓊疑而致問鄭答之云禮運云醴醕醕澄各是一物皆不言酒故推其意澄為沈齊酒為三酒坊記云醴也醕也澄也皆言酒故因注云澄酒清酒也其實沈齊也如鄭此言坊記所云醴酒醕酒五齊亦言酒則澄酒是沈齊也是五者最清故云澄酒非為三酒之中清酒是與禮運不異也云奠之不同處重古略近者奠之或在室或在堂或在下是不同處古酒奠於室近酒奠於堂或奠於下是重古畧近云祝為主人饗神辭者案特牲少牢禮云祝稱孝孫某用薦歲事于皇祖伯某尚饗是祝為主人饗神辭云嘏祝為尸致福于主人之辭者此下云嘏以慈告詩小雅云錫爾純嘏于孫其湛是致福於主人之辭也云祐福也者釋詁文福之言備郊特牲文言嘉慶備具福之道也其用酒之法崔氏云周禮大飴於大廟則備五齊三酒朝踐王酌泛齊

后酌醴齊饋食王酌盞齊后酌醴齊朝獻王酌泛齊因朝踐之尊再獻后酌醴齊因饋食之尊諸侯為賓則酌沈齊尸酢王與后皆還用所獻之齊賓長酌尸酢用清酒加爵亦用三酒大禘則用四齊三酒者醴齊以下悉用之故禮運云玄酒在室醴醑在戶粢醑在堂澄酒在下用四齊者朝踐王酌醴齊后酌盞齊饋食王酌醴齊后酌沈齊朝獻王還酌醴齊再獻后還酌沈齊亦尊相因也諸侯為賓亦酌沈齊用三酒之法如祫禮也四時之祭唯二齊三酒則自祫禘以下至四時祭皆通用也二齊者朝踐王酌醴齊后亦酌醴齊饋食王酌盞齊后亦酌盞齊朝獻王還用醴齊再獻后還用盞齊亦尊相因也諸侯為賓亦酌盞齊三酒同於祫三酒所常同不差者三酒本為王以下飲故尊卑自有常依尊卑之常不得有降祫禘時祭本名所用總有多少故正祭之齊有差降也魯及王者之後大祫所用與祫禘之禮若同



禘與王四時同用三酒亦同於王侯伯子男祫禘皆用  
二齊醴盎而已三酒則並用用三齊之法朝踐君夫人  
酌醴齊饋食君夫人酌盎齊朝獻君還酌醴齊再獻夫  
人還酌盎齊諸臣為賓酌盎齊尸酢君夫人用昔酒酢  
諸臣用事酒加爵皆清酒時祭之法用一齊故禮器云  
君親制祭夫人薦盎鄭云謂朝事時也又云君親割牲  
夫人薦酒鄭云謂進孰時也其行之法朝踐君制祭則  
夫人薦盎為獻進孰時君親割夫人薦酒朝獻時君酌  
盎齊以醑尸再獻時夫人還酌酒以終祭也賓獻皆酒  
加爵如禘祫之禮天子諸侯酌奠皆用齊酒卿大夫之  
祭酌奠用酒其祫祭之法既備五齊三酒以實八尊祫  
祭在秋案司尊彘秋嘗冬烝朝獻用兩著尊饋獻用兩  
壺尊則泛齊醴齊各以著尊盛之盎齊醢齊各以壺尊  
盛之凡五尊也又五齊各有明水之尊凡十尊也三酒  
三尊各加玄酒凡六尊也通掌彘盛明水黃彘盛鬱鬯  
凡有十八尊故崔氏云大祫祭凡十八尊其明水玄酒

陳之各在五齊三酒之上祭日之旦王服衮冕而入尸亦衮冕祝在後侑之王不出迎尸故祭統云君不迎尸所以別嫌也尸入室乃作樂降神故大司樂云凡樂園鍾為宮九變而致人鬼是也乃灌故書王入室裸當灌之時衆尸皆同在大廟中依次而灌所灌鬱鬯小宰注云尸祭之啐之奠之是為一獻也王乃出迎牲后從灌二獻也迎牲而入至於庭故禮器云納牲詔於庭王親執鸞刀啟其毛而祝以血毛告於室故禮器云血毛詔於室凡牲則廟各別牢故公羊傳云周公曰牲魯公駢牯案逸禮云毀廟之主昭共一牢穆共一牢於是行朝踐之事尸出於室太祖之尸坐於尸西南面其主在右昭在東穆在西相對坐主各在其右故鄭注祭統云天于諸侯之祭朝事延尸於戶外是以有北面事尸之禮祝乃取牲腍脊燎于爐炭入以詔神於室又出以墮于主前郊特牲云詔祝於室坐尸於堂是也王乃洗肝於鬱鬯而燔之以制於主前所謂制祭次乃升牲首於室

中置於北墉下后薦朝事之豆籩乃薦腥於尸主之前  
謂之朝踐即此禮運云薦其血毛腥其俎是也王乃以  
玉爵酌著尊泛齊以獻尸三獻也后又以玉爵酌著尊  
醴齊以亞獻四獻也乃退而合亨至薦孰之時陳於堂  
故禮器云設饌於堂乃後延尸入室大祖東面昭在南  
面穆在北面徙堂上之饌於室內坐前祝以掌爵酌奠  
於饌南故郊特牲注云天子奠掌諸侯奠角即此之謂  
也既奠之後又取腸間脂炳蕭合馨蕝郊特牲注云奠  
謂薦孰時當此大合樂也自此以前謂之接祭乃迎尸  
入室舉此奠掌主人拜以妥尸故郊特牲云舉掌角拜  
妥尸是也后薦饌獻之豆籩王乃以玉爵酌壺尊盥齊  
以獻尸為五獻也后又以玉爵酌壺尊醴齊以獻尸是  
六獻也於是尸食十五飯訖王以玉爵因朝踐之尊泛  
齊以酌尸為七獻也故鄭云變朝踐云朝獻尊相因也  
朝獻謂此王酌尸因朝踐之尊也后乃薦加豆籩尸酌  
酢主人主人受嘏王所以獻諸侯於是后以瑶爵因酌

饋食壺尊醴齊以醕尸為八獻也鄭注司尊彝云變再獻為饋獻者亦尊相因也再獻后醕尸獻謂饋食時后之獻也於時王可以瑤爵獻卿也諸侯為賓者以瑤爵酌壺尊醴齊以獻尸為九獻九獻之後謂之加爵案特牲有三加則天子以下加爵之數依尊卑不祇三加也故特牲三加爵別有嗣子舉奠文王世子諸侯謂之上嗣舉奠亦當然崔氏以為后獻皆用爵又以九獻之外加爵用璧角璧散今案內宰云后裸獻則贊瑤爵亦如之鄭注云瑤爵謂尸卒食王既醕尸后亞獻之始用瑤爵則后未醕尸以前不用也又鄭注司尊彝云王醕尸用玉爵而再獻者用璧角璧散可知此璧角璧散則瑤爵也崔氏乃云正獻之外諸臣加爵用璧角璧散其義非也其禘祭所用四齊者禘祭在廟醴齊盎齊盛以犧尊醴齊沈齊盛以象尊王朝踐獻用醴齊后亞獻用盎齊王饋獻用醴齊后亞獻用沈齊尸卒食王醕尸因朝踐醴齊后醕尸因饋食沈齊諸臣為賓獻亦用沈齊醴

齊也降神之樂熊氏以為大祭皆有三始有降神之樂  
又未毀廟者皆就其廟祭之其餘皆如祫祭之禮天子  
時祭用兩尊者春夏用犧尊盛醴齊用象尊盛沈齊秋  
冬用著尊盛醢齊用壺尊盛盎齊是一齊用一尊司尊  
彝皆云兩者齊皆配以明水故皆云兩若禘祫之祭其  
齊既多不得唯兩而已前已備釋也時祭唯用二齊其  
諸侯用齊及酒皆視天子具如前說其魯及王者之後  
皆九獻其行之法與天子同侯伯七獻朝踐及饋獻時  
君皆不獻於九獻之中減二故為七獻也禮器云君親  
制祭夫人薦盎君親割牲夫人薦酒是也子男五獻者  
亦以薦腥饋孰二君皆不獻醑尸之時君但一獻而已  
九獻之中去其四故為五此皆崔氏之說今案特牲少  
牢尸食之後主人主婦及賓備行三獻主婦因獻而得  
受酢今子男尸食之後但得一獻夫人不得受酢不如  
卿大夫理亦不通蓋子男饋孰以前君與夫人並無獻  
也食後行三獻通二灌為五也禮器所云自據公侯伯

七獻之制也一曰尸酢侯伯子男亦用所獻之殽也作其祝號玄酒以祭薦其血

毛腥其俎孰其殽與其越席疏布以冪衣其澣帛醴醢

以獻薦其燔炙君與夫人交獻以嘉魂魄是謂合莫祝

之

六反徐之又反殽本或作肴戶交反越音活冪莫歷反

衣於既反此謂薦上古中古之食也周禮祝號有六

一曰神號二曰鬼號三曰祗號四曰牲號五曰盥號六

曰幣號號者所以尊神顯物也腥其俎謂豚解而腥之

及血毛皆所以法於大古也孰其殽謂體解而燔之此

以下皆所以法於中古也越席翦蒲席也冪覆尊也澣

帛練染以為祭服嘉樂也莫虛無也孝經說曰上通無

莫盥音咨大音太染如艷反又如琰反樂音洛疏

曰此一節明祭祀用上古中古之法也玄酒以祭薦其

血毛腥其俎此是用上古也孰其殽以下用中古也作

其祝號者謂造其鬼神及牲玉美號之辭史祝稱之以告鬼神故云作其祝號玄酒以祭者謂朝踐之時設此玄酒於五齊之上以致祭鬼神此重古設之其實不用以祭也薦其血毛者亦朝踐時延尸在堂祝以血毛告於室也腥其俎者亦謂朝踐時既殺牲以俎盛肉進於尸前也孰其殽者殽骨體也孰謂以湯爛之以其所爛骨體進於尸前也與其越席至幹帛皆謂祭初之時越席謂蒲席疏布謂麤布若依周禮越席疏布是祭天之物此經云君與夫人則宗廟之禮也此蓋記者雜陳夏殷諸侯之禮故雖宗廟而用越席疏布也衣其澣帛者謂著服練帛染而為之醴醲以獻者朝踐之時用醴饋食之時用醴薦其燔炙者謂燔肉炙肝案特牲禮主人獻尸賓長以肝從主婦獻尸賓長以燔從則此君薦之用炙也夫人薦用燔是也皇氏云燔謂薦孰之時燔蕭合馨薌知不然者案詩楚茨云或燔或炙鄭云燔燔肉也炙肝炙也則知此燔炙亦然皇說非也君與夫人交

獻第一君獻第二夫人獻第三君獻第四夫人獻是君與夫人交錯而獻也以嘉魂魄者謂設此在上祭祀之禮所以嘉善於死者之魂魄是謂合莫莫謂虛無寂寞言死者精神虛無寂寞得生者嘉善而神來歆饗是生者和合於寂寞但禮運之作因魯之失禮孔子乃為廣陳天子諸侯之事及五帝三王之道其言離亂或先或後其文不次舉其大綱不可以一代定其法制不可以一槩正其先後若審此理則無所疑惑又曰案周禮大祝辨六號一曰神號注若皇天上帝二曰鬼號注若皇祖伯某三曰祇號若后土地祇四曰牲號若牛曰一元大武五曰齎號若稷曰明粢六曰幣號若幣曰量幣是也云號者所以尊神顯物者其神號鬼號祇號是尊神也牲號齎號幣號是顯物也云腥其俎謂豚解而腥之者案士喪禮小飲之奠載牲體兩髀兩肩兩肱并脊凡七體也士虞禮主人不視豚解注云豚解解前後脰脊脇而已是豚解七體也案特牲少牢以薦孰為始之時



皆體解無豚解以無朝踐薦腥故也其天子諸侯既有朝踐薦腥故知腥其俎之時豚解云孰其殷謂體解而燭之者體解則特牲少牢所升於俎以進神者是也案特牲九體肩一臂二肱三肫四胙五正脊六橫脊七長脅八短脅九少牢則十一體加以胾脊代脅為十一體也是分豚為體解此孰其殷謂體解訖以湯燭之不全孰次於腥而薦之堂故祭義曰燭祭祭腥而退是也此則腥以法上古燭法中古也云滌帛練染以為祭服者此亦異代禮也周禮則先染絲乃織成而為衣故玉藻云士不衣織云孝經說曰上通無莫者孝經緯文言人之精靈所感上通元氣寂寞引之者證莫為虛無也正本元字作無謂虛無寂寞義或然也然後退

而合亨體其犬豕牛羊實其簠簋籩豆鉶羹祝以孝告

嘏以慈告是謂大祥

鉶音刑其犬豕牛羊

此謂薦今世之食也體謂分別骨肉之貴賤

以為衆俎也。祝以孝告嘏以慈告。各首其義也。祥善也。今世之食於人道為善也。別彼列反。疏曰。此論祭饋之節。供事鬼神及祭末獻賓并祭竟燕飲饗食賓客兄弟也。然後退而合亨者。前明薦爛既未孰。今至饋食乃退取。鼎爛肉更合亨之。令孰擬更薦尸。又尸俎唯載右體其餘不載者。及左體等亦於鑊中亨煮之。故云合亨體其犬豕牛羊者。亨之既孰。乃體別骨之貴賤。以為衆俎。供尸及待賓客兄弟等體具。犬豕牛羊謂分別骨之貴賤。以為衆俎。知非尸前正俎者。以此經所陳多是祭末之事。若是尸前正俎。當云是謂合莫不得云。是謂大祥。既是人之祥善。故為祭末饗燕之衆俎也。實其簋簠豆鉶羹者。此舉事尸之時所供設也。若簠豆亦兼據賓客及兄弟之等。故特牲少牢賓及衆賓兄弟之等皆有簠豆及俎是也。祝以孝告嘏以慈告者。此論祭祀祝嘏之辭。案少牢祝曰。孝滌某敢用柔毛剛鬣嘉薦普汍用薦歲事于皇祖伯某。以某妃配某氏尚饗。是祝以

孝告少牢又云主人獻尸祝嘏主人云皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之是嘏以慈告言祝嘏於時以神之恩慈而告主人是謂大祥者祥善也謂饋食之時薦今世之食於人道為善故為大祥又曰首猶木也孝子告神以孝為首神告孝子以慈為首各本祝嘏之義也又曰自夫禮之初至皆從其初論中古祭祀之事及死喪之禮今時所法於前取以行者自昔者先王至皆從其朔論昔者未有宮室火化後聖有作始制宮室炮燔醴酪之事今世取而行之故云皆從其朔但今世一祭之中凡有兩節上節是薦上古中古下節是薦今世之食自玄酒在室至承天之祐總論今世祭祀饌具所因於古及其事義總論兩節祭祀獲福之義自作其祝號至是謂合莫別論祭之上節薦上古中古之食并所用之物自然後退而合亨至是謂大祥論祭之下節此薦今世之食此禮之大成一句總結上所陳之言也此

禮之大成也

解子游以禮所成也

有虞氏之祭也尚用氣

血腥爛祭用氣也

尚謂先薦之爛或為脂脂直輒反疏曰此一節總論祭祀之事各依

文解之有虞氏之祭也尚用氣者尚謂貴尚其祭祀之時先薦用氣物也血腥爛祭用氣也者此解用氣之意血謂祭初以血詔神於室腥謂朝踐薦腥肉於堂爛謂沈肉於湯次腥亦薦於堂祭義云爛祭祭腥而退是也今於堂以血腥爛三者而祭是用氣也以其並未熟故云用氣也又曰言先薦者對合亨饋孰為先也此虞氏尚氣殷人尚聲周人尚臭皆謂四時常祭也若其大祭祫周人乃先用樂也故大司樂云若樂九變則人鬼可得而禮矣鄭云先奏是樂以致其神而後裸焉推此言之虞氏大祭亦先作樂也故鄭注大司樂引虞書云夏擊鳴球搏拊琴瑟以詠祖考來格簫韶九成鳳皇來儀此宗廟九奏之效此虞氏大祭與周同樂九奏夏殷大

祭雖無文或當與周同熊氏以為殷人先求諸陽謂合樂在灌前周人先求諸陰謂合樂在灌後與降神之樂別熊氏又云凡大祭並有三始祭天以樂為致神始以烟為散神始以血為陳饌始祭地以樂為致神始以酒為散神始以血為陳饌始祭宗廟亦以樂為致神始以薦為散神始以腥為陳饌始義或然也案禮宗廟之祭先薦血後薦腥而云宗廟腥而為陳饌始於義或然也熊氏云社稷以下之祭皆有三始於義非也殷人

尚聲臭味未成滌蕩其聲樂三闋然後出迎牲聲音之

號所以詔告於天地之間也

滌音狄又同弔反三如字徐息暫反滌蕩猶搖動

也疏曰殷人尚聲者帝王革異殷不尚氣而尚聲謂先奏樂也不言夏或從虞也臭味未成滌蕩其聲者臭味未成謂未殺牲也滌蕩猶搖動也既尚聲故未殺牲而先搖動樂聲以求神也樂三闋然後出迎牲者闋止

也奏樂三徧止乃迎牲入殺之聲音之號所以詔告於天地之間也者解以先奏樂之義言天地之間虛豁亦陽也言鬼神在天地之間聲是陽故用樂之音聲號呼告於天地之間庶神明聞之而來是先求陽之義也

周人尚臭灌用鬯臭鬱合鬯臭陰達於淵泉灌以圭璋

用玉氣也既灌然後迎牲致陰氣也蕭合黍稷臭陽達

於牆屋故既奠然後炳蕭合羶薌

炳如悅反合如字徐音閣羶音馨許經反

薌音香也

灌謂以圭瓚酌鬯始獻神也已乃迎牲於庭殺之天子諸侯之禮也奠謂薦孰時也特牲饋食所

云祝酌奠于銅南是也蕭薌蒿也染以脂合黍稷燒之詩云取蕭祭脂羶當為馨聲之誤也奠或為薦瓚在

且反銅音形

疏曰周人尚臭者周禮變於殷故先求陰尚臭也灌用鬯臭者臭謂鬯氣也未殺牲先酌鬯酒

灌地以求神是尚臭也鬱合鬯者鬱鬱金草也鬯謂鬯  
酒賁鬱金草和之其氣芬芳調鬯也又以搗鬱汁和合  
鬯酒使香氣滋甚故云鬱合鬯也鄭注鬱人云鬱鬱金  
香草宜以和鬯盧云言取草芬芳香者與秬黍鬱合釀  
之成必為鬯也馬氏說鬱草名如鬱金香矣合為鬯也  
庾氏讀句則云臭鬱合鬯臭陰達於淵泉者用鬱鬯灌  
地是用臭氣求陰達於淵泉也灌以圭璋用玉氣也者  
王肅云以圭璋為瓚之柄也瓚所以斟鬯也玉氣潔潤  
灌用玉瓚亦求神之內也玉氣亦是尚臭也周言用玉  
則殷不用圭瓚既灌然後迎牲者先求神後迎牲也致  
陰氣也者解所以先灌是先求陰也先致氣於陰故云  
致陰氣也蕭合黍稷者周人後求陽也取蕭草及牲脂  
膾今黍稷燒之也此謂饋食時也臭陽達於牆屋者謂  
以蕭合黍稷之臭氣求陽達於牆屋者故既奠然後燭  
蕭合殯葬者明上燭蕭之時節也既奠謂薦孰時也堂  
上事尸竟延尸戶內更從孰始也於薦孰時祝先酌酒

奠於銅羹之南訖尸未入於是又取香蒿染以腸間脂合黍稷燒之於宮中此又求諸陽之義也馨香謂黍稷又曰知此一經所云天子諸侯禮者以儀禮少牢特牲是大夫士之禮無臭鬱灌鬯之事故也云奠謂薦孰時也特牲饋食禮所云祝酌奠于銅南是也者尸未入之前當饋孰之始饋孰薦黍稷此云蕭合黍稷既奠然後燭蕭故知當饋孰之時也云染以脂合黍稷燒之者此云蕭合黍稷是蕭與黍稷合詩云取蕭祭脂是蕭與脂合也故知有蕭及脂黍稷合馨香也凡祭慎諸此魂氣歸于天形魄歸于

地故祭求諸陰陽之義也殷人先求諸陽周人先求諸

陰此其所以詔祝於室坐尸於堂

謂朝事時也朝事延尸於戶西南面布主

席東面取牲脾膋燎于爐炭洗肝于鬱鬯而燔之入以詔神於室又出以墮于主主人親制其肝所謂制祭也



時尸薦以籩豆至薦孰乃更延主于室之奧尸來升席  
自北方坐于主北焉脾音律膂力彫反燎力妙反又  
力弔反墮許垂反疏曰祝詔於室謂朝事時也詔告  
也祝呪也天子諸侯朝事之時坐尸於堂戶西南面坐  
主在西方東面尸主之前則薦用籩豆也祝乃取牲脾  
膂燎於爐炭入告神於室又出墮於主當此時主乃親  
洗肝於鬱鬯而燔之以制於主前今云詔祝於室是燎  
於爐炭入告於室也坐尸於堂者既灌鬯之後尸出堂  
坐戶西而南面也又曰謂朝事時者以下云用牲於庭  
升首於室此云祝詔於室當殺牲之初故知當朝事時  
也云朝事延尸于戶西南面布主席東面取牲脾膂燎  
于爐炭洗肝于鬱鬯而燔之者此等並於堂上而燔燎  
之故始云入以詔神明以前在堂也云入以詔神於室  
又出以墮于主前者墮祭也謂分臠肝膂以祭主前也  
云主人親制其肝所謂制祭也者制割也謂割其肝而  
不相離案禮器云君親制祭夫人薦羞此云詔祝於室

下云用牲於庭故知制祭當此節也云時尸薦以籩豆者即是朝事邊豆也云至薦孰乃更延主于室之與者約少牢特牲饋食在與室也云尸來升席自北方坐于主北焉者在與東面以南為尊主尊故在南主既居南故尸來升席自北方也尸主各席故朝事延尸於戶外尸南面主席于東面是也鄭之此注雖參禮記及少牢特牲而言之亦約漢時祭宗廟之禮言也故其事委曲也

用牲於庭

謂殿之時

升首於

室

制祭之後升牲首於北墉下尊首尚氣

墉音容

疏曰知在制祭後者熊氏云見下文升首在燔燎下

故知在制祭後也又知在北墉下者見下文升首以報陽明是當戶北墉可知此升首非說有虞氏祭以首者

故羊又云祭祀割羊牲登其首則三牲之首皆升也

直祭祝于主

謂薦孰時也如其首則三牲之首皆升也

之為也直正也祭以孰為正則血腥之屬盡敬心耳疏曰直祭祝于主者直正也祭以薦孰為正言薦孰正

祭之時祝官以祝辭告于主若饌禮少牢敢用柔毛剛鬣用薦歲事于皇祖伯某是也又曰知薦孰時者以上文云詔祝於室次云用牲于庭升首於室下云索祭祝于祊以文次之知此當薦孰之節也索祭祝于祊索求神也廟門曰祊謂之祊者以於繹祭名也又為求祭祝官行祭在於祊也祊謂廟門祭于廟門凡祊有二種一是直祭之時既設祭於廟又求神於廟門之內詩楚茨云祝祭于祊注云祊門內平生待賓客之處與祭同日也是明日繹祭之時設饌於廟門外西室亦謂之祊即上文云祊之於東方注云祊之禮宜于廟門外之西室是也今此索祭于祊當是正祭日之祊矣知者禮器云為祊乎外以其稱外故云祊祭明日之繹祭鄭又注上祊之于東方云祊之禮宜于廟門外之西室此經直云祊不云外又注直云廟門曰祊亦不云外是據正祭日祊也故下云斯之為言敬也相饗之也

嘏大也血毛告幽全之物是皆據正祭之日明此祊亦  
正祭日又曰廟門曰祊爾雅釋宮文云謂之祊者以於  
繹祭名也者此既正祭日於廟門內求神應總稱云廟  
而謂之祊者以祊是廟門明日繹祭稱祊雖今日之正  
祭假以明日繹祭祊不知神之所在於彼乎於此乎與  
名同稱之曰祊也

堂與與音餘疏曰不知神之所在於彼乎於此乎  
者此解正祭在廟之時或設饌在室或設饌在堂不知  
神之所在之處為於彼室乎或諸遠人乎祭于祊尚曰  
為於此堂乎故兩處設饌也

求諸遠者與

遠人徐于萬反

尚庶幾也

疏曰此解

其神靈或遠離於人不在廟乎祭于祊尚曰求諸遠者  
與者尚是庶幾也言正祭之時祭於廟門祊者庶幾求  
於遠處者與言祊之為言倮也倮音亮倮猶所之為  
於遠處求神也

言敬也

所音折 為尸有折俎此訓也 為于偽反 疏曰案特牲少牢設饌之後尸祭饌訖祝取牢

心舌載于所俎設于饌北凡每食牲體反置于所俎是主人敬尸之俎也 富也者福也 人君

有富此訓之也或曰福也者備也 疏曰少牢云皇尸命工祝承致多福無疆於女孝孫使女受祿于天宜稼

于田眉壽萬年勿替引之此是大夫嘏辭也人君則福慶之辭更多故詩楚茨云永錫爾極時萬時億卜爾百

福如幾如首也者直也 訓所以升首祭也直或為植也 式是也 植徒得反 疏曰經云首者

直也直正也言首為一體之正相饗之也相謂詔侑所以立祝詔侑尸者欲尸歆饗此饌相饗之也

相息亮反 相謂詔侑也詔侑尸者欲使饗此饌也特牲饋食禮曰主人拜毋尸尸答拜執奠祝饗 疏曰引

特牲者證饗尸時節延尸初入主人拜毋尸尸答拜訖執此鉶南之奠祝則設辭以饗之欲尸饗此奠也尸遂

祭與嘏長也大也

主人受祭福曰嘏此訓也疏曰嘏長也大也者尸嘏主人欲使長久廣

大尸陳也

尸或詁為主此尸神象當從主訓之言陳非也疏曰此經尸為陳諸本尸為主尸是神

象當從主主是人所主事陳是器

毛血告幽全之物也

幽謂告幽全之物者貴純之道也

純謂中外皆善疏曰此謂祝初薦血毛

於室時也血是告幽之物毛是告全之物告幽者牲體肉裏美善告全者牲體外色完具所以備此告幽全之物者貴其牲之純善之道也故鄭云純謂中外皆善言中善則血好外善則毛好也

祭肺肝心貴氣主也

氣主氣之所舍也周祭肺殷祭肝夏祭心疏曰此是堂上制祭後

又薦血腥時也祭肺肝心貴氣主也此三者並為氣之宅故祭時先用之是貴於氣之主故也血是氣之所舍

故云盛氣也三者非祭黍稷加肺祭齊加明水報陰也  
即氣故云氣之主也祭黍稷加肺祭齊加明水報陰也  
祭黍稷加肺謂綏祭也明水司烜所取於月之水也齊  
五齊也五齊加明水則三酒加玄酒也疏曰祭黍稷  
加肺者謂尸既坐綏祭之時祭黍稷加之以肺言兼肺  
而祭故云加肺也祭齊加明水者謂於正祭之時陳列  
五齊之尊上又加明水之尊故云祭齊加明水也報陰  
也者解加肺加明水之意肺是五藏在內水又屬北方  
皆是陰類又親形魄歸地是陰以陰物祭之故云報陰  
也又曰祭黍稷加肺謂綏祭者案特牲禮云祝命綏祭  
尸左執觶右取菹捩于醯祭于豆間佐食取黍稷肺祭  
授尸尸祭之是尸綏祭之時有黍稷肺也少牢亦然皇  
氏以為尸綏祭之時無黍稷至主人綏祭之時乃有黍  
稷解此祭為主入綏祭也蓋背儀禮正文其義非也云  
五齊加明水則三酒加玄酒也者崔氏云五齊尊上加  
明水之尊五齊重明水亦重故加明水三酒輕玄酒亦

輕故云三酒加玄酒也此云玄酒對明水直謂水也其  
總而言之明水亦名玄酒故禮運云玄酒在室及司烜  
注云明水以爲玄酒是也此經祭齊加明水之文謂總  
據祭時而用五齊非謂綏祭之時也故鄭云祭黍稷加  
肺謂綏祭不云祭齊也案儀禮綏祭之後亦祭酒必知  
此祭齊非綏祭者以鄭云三酒加玄酒三酒本非綏祭  
之用取脾膾燔燎升首報陽也脾膾腸間脂也與蕭合  
故也

曰凡祭血腥之時已有脾膾燔燎故前文詔祝於室鄭  
注云取牲脾膾燎于爐炭洗肝于鬱鬯而燔之是也至  
薦孰之時又取脾膾而燔之故上經云蕭合黍稷故既  
奠然後燔蕭合馨香故鄭此注云與蕭合燒之謂饋孰  
時也云亦有黍稷也者非但有明水沕齊貴新也沕始  
蕭與脾膾兼有黍稷故云亦也

沕猶清也五齊濁涕之使清謂之沕齊及取明水皆  
貴新也周禮疏氏以沕水漚絲沕齊或爲汎齊涕子



禮反穰莫剛反漚爲豆反疏曰明水沝齊貴新也者  
明水謂以陰鑑取月中之水也沝猶清也謂涕五齊使  
清故云沝齊所以設明水及凡沝新之也新之者敬也  
沝齊者貴其所絜之義也  
新之也者釋沝齊之意言新以沝其謂之明水也由主  
此齊者以敬於鬼神故新絜之也  
人之絜著此水也得也齊側皆反下齊之同疏曰  
其謂之明水也由主人之絜著此水也者此釋明水之  
意所以謂之清明之水者著成也由主人清絜成就此  
水乃成可君再拜稽首肉袒親割敬之至也敬之至也  
得而用也  
服也拜服也稽首服之甚也肉袒服之盡也割解牲體  
之至也服也者言君所以再拜稽首肉袒者是恭敬之  
至乃是服順於親也此總結上再拜稽首肉袒之文下

又各釋拜稽首肉袒之事拜服也者釋再拜之文拜者是服順於親也稽首服之甚也者釋稽首之文拜既是服而稽首頭至於地是服之甚極也肉袒服之盡也者釋肉袒之文言心雖內服外貌不盡今肉袒去飾是服之竭也

祭稱孝孫孝子以其義稱也

謂事祖禰

稱曾孫某謂國

家也

謂諸侯事五廟也於曾祖以上稱曾孫而已

疏

以其義稱也者義宜也事祖禰宜行孝道是以義而稱孝也稱曾孫某謂國家也者國謂諸侯家謂卿大夫既有國家之尊不但祭祖禰而已更祭曾祖以上但自曾祖以上唯稱曾孫而已言已是會重之孫又曰熊氏云經既稱國家則兼諸侯及大夫今注直云諸侯者注文略也大夫三廟亦事曾祖而得稱曾孫也其諸侯大夫事祖禰之時亦稱孝子孝孫事曾祖以上雖是內事則同於外稱故下曲禮云諸侯內事曰孝子某侯某外事

曰曾孫某侯某是也此記不云某侯者略也上士二廟祖禰各一廟中下士一廟祖禰其廟前經注云謂祖禰據上祭祀之相主人自致其敬盡其嘉而無與讓也相息士也

相謂詔侑尸也嘉善也

疏曰祭祀至讓也者解為

相之法也相謂詔侑也嘉善也庾氏云賓主之禮相告以揖讓之節祭祀之禮則是主人自致其敬盡其善故詔侑尸者不告尸以讓是其無所與讓也腥肆燔

臠祭豈知神之所饗也主人自盡其敬而已矣

肆勅歷反臠而

審反治肉曰肆稔孰也燔或為臠

脂直軌反疏曰

腥肆燔臠祭者肆剔也臠孰也言祭或進腥體或薦解

剔或進湯沈或薦煮熟故云腥肆燔臠祭也豈知神之

所饗也主人自盡其敬而已矣者四種之薦豈知神適

所饗邪正是主人自盡敬

舉犖角詔妥尸古者尸無事

心而求祭之心不一耳

則立有事而后坐也尸神象也祝將命也

安安坐也尸始入舉奠

若奠角將祭之祝則詔主人拜安尸使之坐尸即至尊之坐或時不自安則以拜安之也天子奠爵諸侯奠

古謂夏時也

疏曰舉爵者掌爵爵名也天子曰

爵諸侯曰角若依此則饋食薦孰之時尸未入祝先奠爵

于銅南尸入即席而舉之如特牲禮陰厭後尸入舉奠

爵也但云舉爵角恐非周禮耳崔云是周也詔安尸者

詔告也安安也尸始即席舉奠爵之時既始即席至

尊之坐未敢自安而祝當告主人拜尸使尸安坐也古

者尸無事則立有事而后坐也者古夏時也夏立尸唯

有飲食之事時乃坐若無事則倚立也由世質故耳尸

神象也者尸是神象故無事則立有事而后坐

也祝將命也祝以傳達主人及神之辭令也

縮酌用

茅明酌也

縮所六反謂沛醴齊以明酌也周禮曰醴齊縮酌五齊醴尤濁和之以明酌沛之以茅

縮去滓也明酌者事酒之上也名曰明者事酒今之驛  
酒皆新成也春秋傳曰爾貢包茅不入王祭不共無以  
縮酒酌猶斟也酒已泚則斟之以實尊蕤昏禮曰酌玄  
酒三注于尊凡行酒亦為酌也齊才細反下同去起  
呂反驛音亦共音恭疏曰縮酌用茅明酌也者縮泚  
也酌是斟酌謂醴齊既濁泚而後可斟酌故云縮酌也  
用茅者謂泚醴齊之時而用茅也明酌也者謂事酒之  
上酒色清明謂之明酌言欲泚醴齊時先用明酌和此  
醴齊然後用茅泚之不云泛齊者與醴齊同又曰謂泚  
齊縮酌者證此經縮酌是醴齊也云五齊醴尤濁者以  
醴比盎齊醴齊泚齊以次漸清故云尤濁其實泛齊亦  
濁也云明酌者事酒之上也者周禮三酒一曰事酒二  
曰昔酒三曰清酒清酒之中事酒尤濁五齊之酌醴齊  
尤濁醴酒清於醴齊清酒又清於事酒故知以事酒泚  
醴齊也明謂清明故知是事酒之上清明者也云事酒

謂之驛酒皆新成也者言古之事酒正是漢之驛酒事  
酒與驛酒皆是新作而成故鄭注周禮云事酒酌有事  
者之酒謂為事而新作者驛是和驛醞釀之名即今卒  
造之酒也引春秋傳者僖四年左傳文證此用茅是縮  
酒也云酒已泚則斟之以實尊葬者以別器泚之泚訖  
取之以實尊葬也言葬者通鬱鬯而言也引昏禮曰酌  
玄酒三注于尊者證實尊稱酌之意云凡行酒亦為酌  
也者言非但實尊為酌凡以爵行酒亦為酌故儀禮鄉  
飲酒燕禮實爵與醖酒泚于清醖側產反謂泚醖  
人皆稱為酌也  
盜齊差清和之以清酒泚之而已泚盜齊必和以清酒  
者皆久味相得差初賣反又初佳反疏曰醖酒泚  
于清者醖酒盜齊也泚泚也謂泚之以清酒盜齊差清  
先和以清酒而後泚之泚謂泚漉也以其差清不用茅  
其醖齊泚齊泚之與醖酒同鄭注司尊彝云泛從醴醖  
泚從盜此記不言五齊獨舉醴盜二齊者以司尊彝泚

時祭二齊三酒與鬱故此記者釋之天子時祭所用尤多故特言之又曰醖酒盎齊者周禮云盎齊沬酌此云醖酒沬于清沬文是同又周禮醖齊之後有盎齊禮運醖後有醖故知醖謂盎齊也云皆久味相得者盎齊既清作之必久清酒又冬釀接夏而成故云皆久味相得也汁獻沬于醖酒獻素何反

中有煮鬱和以盎齊摩莎沬之

出其香汁因謂之汁莎

不以三酒沬柜鬯者柜鬯尊也

謂摩莎沬謂沬也柜鬯之中既有煮鬱又和以盎齊摩

莎沬之出其香汁是汁莎沬之以醖酒又曰既以事酒

乃用盎齊故云不以三酒沬柜鬯者柜鬯尊以其尊

故用五齊沬之五齊卑故用三酒沬之事相宜也猶

明清與醖酒于舊澤之酒也

猶若也澤讀為醕舊醕之酒

謂昔酒也沬醖齊以明酌沬

醖酒以清酒泚汁獻以醖酒天子諸侯之禮也天子諸侯禮廢時人或聞此而不審也一若今明酌清酒與醖酒以舊醖之酒泚之矣就其所知以曉之也泚清酒以舊醖之酒者為其味厚腊毒也為于偽反疏曰猶明清與醖酒于舊醖之酒也者猶若也明謂明酌清謂清酒醖酒謂盎齊故記之時呼明酌及清酒與醖酒等皆泚於舊醖之酒謂以舊醖昔酒和此明酌清酒等三者而泚之作記之時其事如此古禮廢亡恐人不知泚禮齊以明酌泚醖酒以清酒泚汁獻以醖酒之意故記者云泚此醖齊之等猶若今時明清醖酒泚於舊醖之酒也就其今日所知以曉古者難知之事又曰天子諸侯禮廢者謂祭禮廢則今日見存此經所云泚酒皆天子諸侯之事以其禮廢其事難知故舉今事以譬曉之云泚清酒以舊醖之酒者為其味厚腊毒也者舊醖之酒謂昔酒作雖久成此清酒為薄故用薄酒泚此清酒為其清酒是冬釀夏成其味厚久腊毒害故以薄酒泚



之故國語云高位實疾顛厚味實腊毒祭有所焉祈猶求也

謂祈福祥有報焉謂若獲有由辟焉  
謂辟災兵遠罪疾

也速于萬反疏曰有求者謂求福祥也有報焉者謂進福而報之有由辟焉者由用也辟弭也謂用此祭

之以弭止災兵罪戾之事又曰祭既有祈有報除祈報之外唯有攘除凶惡故解為弭災兵遠罪疾取周禮小

祝之齊之玄也以陰幽思也故君子三日齊必見其所文也

祭者齊三日者思其居處思其笑語思其志意思其所樂則見之也疏曰解齊服所以用玄冠玄衣義

也玄陰色鬼神尚幽陰故齊者玄服以表心思幽陰之禮故云陰幽思也故君子三日齊必見其所祭者解思

陰義也三日謂致齊時也所祭者謂親也為親而祭故云所祭者也鬼神居陰故三日齊思其親之居處笑語

故祭時如見其所祭  
之親也 郊特牲 大廟之內敬矣君親牽牲大夫贊

幣而從 從才用反下同 納牲於庭時也當用幣告神

內敬矣者舉大禘之祭故云大廟其實諸廟亦皆敬矣  
此章所論謂侯伯子男祭廟之禮君親牽牲大夫贊幣

而從者此謂祿鬯既訖君出廟門以迎牲牽牲而入納  
於庭之時須告神以殺牲大夫則贊佐執幣而從君君

乃用幣以告神又曰下云納牲詔於庭此有 君親制祭  
大夫贊幣故知納牲於庭時用幣以告神

夫人薦盞 親制祭謂朝事進血膋時所制者制肝洗於  
鬱鬯以祭於室及主 膋于彫反 疏曰君

親割祭夫人薦盞者此謂殺牲已畢進血腥之時斷制  
牲肝洗於鬱鬯入以祭神於室於此之時夫人薦盞齊

以獻之侯伯子男之君朝踐君不獻故夫人薦盞又曰  
親制祭謂朝事進血膋時者案郊特牲云取脾膋燔燎

升首報陽也又祭義取脾脅之後又燔祭祭腥則脾脅所用在腥爛之前故知血膋是朝事時也云所制者制肝洗於鬱鬯者約漢禮而知也知祭於室及主者郊特牲云詔祝於室是也君親割牲夫人

薦酒

親割謂進牲孰體時疏曰君親割牲夫人薦酒者謂薦孰時君親割牲體於時君亦不獻故夫人

薦酒又曰皇氏以為謂薦孰之時進牲之孰體也熊氏禮本牲為腥也謂薦腥體孰體薦腥體謂朝踐薦腥時孰體謂饋食薦孰時案經文君親制祭夫人薦盎君親割牲夫人薦酒薦酒薦盎既不得同時則割牲何得薦腥兼薦孰熊卿大夫從君命婦從夫人洞洞乎其敬也氏之說非也

屬屬乎其忠也勿勿乎其欲其饗之也

屬之玉反勿猶勉勉也

疏曰卿大夫從君命婦從夫人者謂制祭割牲之時則卿大夫從君也薦盎酒之時命婦從夫人也洞洞乎其

敬也者洞洞質慤之貌言君與夫人卿大夫之等皆容貌洞洞然其為恭敬也屬屬乎其忠也者屬屬專一之貌其心則屬屬然專一盡其忠誠也勿勿乎其欲饗之也者勿勿猶勉勉也言中心勉勉乎欲望神之歆饗

納牲詔於庭血毛詔於室羹定詔於堂三詔皆不同位

蓋道求而未之得也

定丁鑿反一如字猶言也

疏曰納牲詔於庭者詔告

肉謂之羹道

也謂牲入在庭以幣告神故云詔於庭血毛詔於室者謂殺牲取血及毛入以告神於室羹定詔於堂者羹肉渚也定孰肉也謂煮肉既孰將欲迎尸主入室乃先以俎盛之告神於堂是薦孰未食之前也三詔皆不同位蓋道求而未之得也者道言也所以三詔皆不同位者蓋言求而未之得也故於三處告之又曰爾雅釋器文設祭于堂

設祭之饌於堂人君禮然者謂薦腥爛之時設此所

薦饌在于堂

為祊乎外

祊者於廟門之旁因名焉其祭之明日之釋祭也謂之祊

室而事尸於堂孝子求神非一處也周禮曰夏后氏世室門堂三之二室三之一詩頌絲衣曰自堂徂基疏

曰為祊乎外者祊謂明日釋祭在廟門之旁謂之祊言為此祊祭在於廟門外之西也又曰此云為祊乎外稱

外故知明日釋祭也郊特牲云索祭祝于祊不云外故鄭彼注不云明日釋祭也云謂之祊者於廟門外之旁

因名焉者以釋宮云廟門謂之祊今日釋祭在廟門外之西旁因以廟門為稱故云因名焉云其祭之禮既設

祭於室而事尸於堂者以正祭設饌在室故知釋祭亦設饌在室案有司徹上大夫賓尸生尸侑於堂酌而獻

尸故知人君釋祭亦事尸於堂也但卿大夫賓尸禮略不設祭於堂又不在廟門異於君也云夏后氏世室門

堂三之二室三之一者證廟門之旁有室有堂也又引詩頌絲衣之篇者證釋祭在堂事尸也絲衣之篇論釋

祭之時從堂上往於堂下之基故云自堂徂基故曰於彼乎於此乎不知神之所在也

疏曰故曰於彼乎於此乎者以其不知神之所在或祭之於堂或祭之於外不知此神於彼堂乎於彼室乎於

此祊乎以古語有此故記者引以結之又曰案郊特牲云不知神之所在於彼乎於此乎故鄭引彼上文為注

以會此文一獻質謂祭羣小祀也疏曰此一節明祭明是一也一獻質諸神獻數之差取義各別一獻質者

謂祭羣小祀最早但三獻文謂祭社稷五祀疏曰三一獻而已其禮質畧三獻文獻文者謂祭社稷五祀其

神稍尊比羣小祀五獻察察明也謂祭四望山川也禮嚴為文飾也五獻察疏曰五獻察者謂祭四望山

川其神既尊七獻神謂祭先公疏曰七獻神者謂祭神靈明察七獻神先公之廟禮又轉尊神靈尊重也

又曰鄭知然者案周禮司服職玄冕一章祭羣小祀故知一獻當祭羣小祀絺冕三章祭社稷五祀故知三獻

祭社稷五祀也。禘，冕五章，祀四望山川，故知五獻祭四望山川也。驚，冕七章，享先公，故知七獻祭先公也。案此社稷三獻，卑於四望山川，而大宗伯職云：以血祭祭社稷五嶽，又大司樂祭社稷，奏大蕤祀四望，奏姑洗又禮緯云：社稷牛角握五嶽，四瀆角尺，以此言之，則社稷尊於四望山川，而獻與衣服卑者，熊氏云：獻與衣服從神之尊，卑其餘處尊者，以其有功與地同類，故進之在上，從國中之神，莫貴於社稷之類，直以功見尊其實卑也。以是地別神，故大饗其王事與。與音餘，盛其饌與貢謂不為尊也。裕祭先王，疏曰：此一節明天子大饗之事，諸侯各貢其方物奉助祭之禮，大饗其王事與者，饗謂饗祭先王饗中之大謂裕也。其王家之事與，與是語辭也。諸侯雖有裕祭，不可致有九州之物，唯王者乃然，故云其王事與也。又曰：盛其饌者，即三牲魚腊，籩豆是也。貢者，則內金示和龜為前列之屬，是也。謂裕祭先王者，以有三牲魚腊，則非祭天以內金布。

庭實又非饗賓饗賓時無此庭實故也知非朝而貢物謂之大饗者以朝而貢物不名大饗孝經云四海之內各以其職來助祭故知此大饗是三牲魚腊四海九州

之美味也籩豆之薦四時之和氣也

腊音昔 侯所獻

此饌諸 疏曰三

牲魚腊四海九州之美味也者言此等是諸侯所貢故云九州之美味也籩豆之薦四時之和氣也者此亦諸侯所貢實於籩豆是四時和氣也

內金示和也

內音納此所 貢也內之庭

實先設之金從革性和荆揚二州貢金三品疏曰內金示和也者謂諸侯所貢納金以為庭實示其柔和也以金能從革故也又曰知為庭實者左傳云庭實旅百奉之以玉帛故知金為庭實令先設金者發首先云內金故知先設金云荆揚二州貢金三品者

東帛加璧尊

禹貢文鄭又注金銀銅三品者三色也



德也

貢享所執致命者君子於玉比德焉疏曰東帛加璧尊德也以君子之德與玉相似故尊之也又曰知

東帛加璧行享之時所執致命者覲禮文也云君子於玉比德焉者謂諸侯執玉來貢欲自昂勵以玉比德又示敬玉以

玉比

龜為前列先知也

龜知事情者陳於庭在前荆州納錫大龜疏曰龜為前列先知也

者此謂布庭實之時龜在衆物之前而為列先其有知也以龜有靈知故云先知也龜能豫知吉凶故云知事情云陳於庭在前者據與所陳衆物最在前仍在馬之後故覲禮匹馬卓上九馬隨之鄭注云初享以馬若皮然後乃陳龜金竹箭之

金次之見情也

見賢通反

金始物金有兩義先

等是也

入後設

始音照

疏曰金次之

見情也者陳列此金次在龜後所以次在龜後者以金能始物露見其情又曰金始物者解經見情金有兩義者一示和二是見情故云兩義云先入後設者此經先云內金示和是先入陳在龜後是後設丹漆絲纁竹

箭與衆共財也

鑛音曠又古曠反

萬民皆有此物荆州貢丹兖州貢漆絲豫州貢鑛揚州貢篠簜

蕩大黨反

疏曰丹漆絲鑛竹箭與衆共財也者龜金

之後布陳丹之與漆也絲也鑛也竹也箭也與天下衆人

共有此財故諸侯之朝而來貢之陳列在下又曰荆州

貢丹兖州貢漆絲豫州貢鑛揚州貢篠簜禹貢文也

其餘無常貨各以其國之所有則致遠物也

其餘謂九州之外夷

服鎮服蕃服蕃服之國周禮九州之外謂之蕃國世一

見各以其所貴寶為摯周穆王征犬戎得白狼白鹿近

之蕃本又作蕃方煩反疏曰其餘無常貨各以其

國之所有則致遠物也者知以上所陳謂九州之內諸

侯此言其餘者謂九州之外其於四海之國無常貢之

貨各以其國之當時所有而貢之則招致遠物也又曰

其餘謂九州之外夷服鎮服蕃服之國者案周禮大行

人陳六服之貢乃云九州之外謂之蕃國各以其所貴

實為摯其六服之外於九州言之唯有夷鎮蕃三服是九州之外也云周穆王征犬戎得白狼白鹿近之者案周語穆王征犬戎祭公謀父諫不從遂往征之得四白狼四白鹿言近之者彼因征而得非因貢而來故云近之近者謂近其出也肆夏而送之蓋重禮也肆古來反其貢寶也

注又作祓

出謂諸侯之賓也禮畢而出作樂以節之肆夏當為陔夏疏曰其出也肆夏而送之蓋重禮也者肆夏當為陔夏其諸侯之賓禮畢而出去則奏陔夏之樂而送之蓋貴重於禮雖禮畢而出猶以陔夏而戒之使不失禮又曰肆夏當為陔夏者案大司樂云王出入奏王夏尸出入奏肆夏牲出入奏昭夏大饗不入牲其他皆如祭祀今破為陔夏者以大司樂之文大饗諸侯則諸侯出入奏肆夏此經是助祭之後無筭爵禮畢客醉而出宜奏陔夏故燕禮大射賓出禮器

王制曰賜圭瓚然後為

鬯未賜鬯者資於天子圭瓚秬鬯宗廟之盛禮故孝道  
備而賜之秬鬯所以極著孝道孝道純備故內和外榮  
玉以象德金以配情芬香條鬯以通神靈玉飾其本君  
子之性金飾其中君子之道君子有黃中通理之道美  
之素之德金者精和之至也玉者美德之至也鬯者芬  
香之至也君子有玉瓚秬鬯者以配道德也其至矣合  
天下之極美以通其志也其唯玉瓚秬鬯乎白虎通天  
道至教聖人至德目下事也疏曰此一節明天道用  
教以示人聖人則放之以為德故君

立於阼以象日夫人在西房以象月天道至教者謂天垂日月以示人以至極而為之教聖人至德者聖人法天之至極而為德 廟堂之上罍尊在阼犧尊在西廟堂之下縣

鼓在西應鼓在東

犧素河反六經釋文如字舊說音安不可用下犧象同縣音玄 禮樂之

器尊西也小鼓謂之應犧周禮作獻 疏曰廟堂之上罍尊在阼犧尊在西者罍尊在阼謂夫人所酌也犧尊在西謂君所酌也廟堂之下縣鼓在西應鼓在東者縣鼓謂大鼓也在西方而縣之應鼓謂小鼓也在東方而縣之熊氏云此謂諸侯時祭所用之禮故罍尊夫人所酌也若天子之祭則罍尊在堂下故禮運云澄酒在下謂三酒在堂下司尊彝云皆有罍諸臣之所酌則君不酌罍也案大射禮建鼓在阼階西南鼓應鼙在其東一建鼓在其南東鼓朔鼙在其北一建鼓在西階之東南面大射禮是諸侯之法此亦諸侯之禮所以大鼓及

應所縣不同者熊氏云大射謂射禮也此謂祭禮也是諸侯之法雖同諸侯祭射有異案大射注云應聲應朔聲也又云便其先擊小後擊大也以此言之則朔聲應聲皆在大鼓之旁先擊朔聲次擊應聲乃擊大鼓以其相近故云便也以其稱朔朔始也故知先擊朔聲以其稱應故知應朔聲也又大射稱建鼓此云縣鼓大射應鼓既在大鼓之旁此應鼓在東乃與縣鼓別縣者皆謂祭與射別也又曰禮樂之器尊西也者鄭據此經而論犧尊貴於壘尊而犧尊在西縣鼓大於應鼓而縣鼓在西故云禮樂之器尊西云犧周禮作獻者案周禮司尊彝兩犧尊字作兩獻君在阼夫人在房人君尊東也天尊鄭云獻讀為犧

房疏曰此以經云君在阼夫人在房故云人君尊東云天子諸侯有左右房者以卿大夫以下唯有東房故鄉飲酒鄉射尊於房戶間賓主夾之無西房也知天子諸侯有左右房者以士喪禮主婦髻于室在主入西喪

大記君之喪婦人髻帶麻于房中亦當在男子之西故  
彼注亦云則西房也又顧命云天子有左右房此云夫  
人在房又云夫人東酌壘尊是西房也又云天子諸侯有左右房  
大明生於東月生於

西此陰陽之分夫婦之位也

分扶問反  
大明日也

君西酌犧象

夫人東酌壘尊

象日出東方而西行也月出西方而東行也周禮曰春祠夏禴裸用雞彝鳥彝

皆有舟其朝踐用兩獻尊其再獻用兩象尊皆有壘諸臣之所酢疏曰君西酌犧象夫人東壘尊者案上云壘尊在阼當阼階堂上而設之則犧尊在西當西階堂上而陳之故君於阼階西嚮酌犧尊夫人於西房之前東嚮酌壘尊又曰引周禮司尊彝者證壘尊與此經中夫人東酌壘尊不同故引以明之見其不同之意春祠夏禴裸用雞彝鳥彝之屬其禮交動乎上樂交應乎下和義具於明堂疏於此畧之

禮交動乎上樂交應乎下和

之至也

言交乃和相應在於堂下和之至也者謂堂之上下禮樂

疏曰樂交應乎下者謂縣鼓應鼓

交相應會

和諧之

至極也

禮器

子曰武王周公其達孝矣乎夫孝者

善繼人之志善述人之事者也春秋修其祖廟陳其宗

器設其裳衣薦其時食

脩謂埽糞也宗器祭器也裳衣先祖之遺衣服也設之當以授

尸也時食四時祭也

疏曰夫孝者善繼人之志者人

謂先人若文王有志王業武王能繼而承之尚書武成

曰予小子其承厥志是善繼人之志也善述人之事也

者言文王有文德為王基而異日制禮以贊述之故洛

誥云考朕昭子刑乃單文祖德是善述

宗廟之禮所以

人之事也此乃武王周公達孝之事

宗廟之禮所以

序昭穆也序爵所以辨貴賤也序事所以辨賢也旅酬



下為上所以逮賤也燕毛所以序齒也

昭常遙反朱如字為去聲序

猶齒也爵謂公卿大夫士也事謂薦羞也以辨賢者以其事別所能也若司徒奉牛宗伯共雞牲矣文王世子曰宗廟之中以爵為位崇德也宗人授事以官尊賢也旅酬下為上者謂若特牲饋食之禮賓弟子兄弟之子各舉觶於其長也逮賤者宗廟之中以有事為榮也燕毛既祭而燕也燕以髮色為坐祭時尊賢也至燕親親也齒亦年也別彼列反共音恭觶音至長丁丈反疏曰宗廟之禮所以序昭穆也者若昭與昭齒穆與穆齒是也序爵所以辨貴賤也者序謂次序爵謂公卿大夫士也謂祭祀之時公卿大夫各以其爵位齒列而助祭祀是辨貴賤也故文王世子云宗廟之中以爵為位崇德也宗人授事以官尊賢也是也序事所以辨賢也者事謂薦羞也序謂次序所供祭祀之事若司徒奉牛司馬奉羊宗伯共雞是分別賢能堪任其官也旅酬下

為上所以逮賤也者旅衆也逮及也謂祭末飲酒之時  
使一人舉觶之後至旅酬之時使卑者二人各舉觶於  
其長者卑下者先飲是下者為上賤人在先是恩意先  
及於賤者故云所以逮賤也案特牲饋食之禮主人洗  
爵獻長兄弟獻衆兄弟之後衆賓弟子于西階兄弟弟  
子于東階各舉觶解於其長也弟子等皆是下賤而得舉  
觶是有事於宗廟之中是其榮也又制受皆是逮賤也  
燕毛所以序齒也者言祭畢燕時以毛髮為次序是所  
以序年齒也故注云燕謂既祭而燕也燕  
以髮色為坐祭時尊尊也至燕親親也  
踐其位行其

禮奏其樂敬其所尊愛其所親事死如事生事亡如事

存孝之至也

踐猶升也其者其先祖也踐或為纘疏

先祖之位行祭祀之禮也

郊社之禮所以事上帝也宗廟之禮所以

祀乎其先也

社祭地神不言  
后土者節文

明乎郊社之禮禘嘗之義

治國其如示諸掌乎

示讀如寘諸河干之寘寘置也物  
而在掌中易為効力者也序爵辨

賢尊尊親親治國之要

疏曰治國其如示諸掌乎注

云示讀如寘諸河干之寘寘置也者若云明此序爵辨

賢尊親則治理其國其事為易

書曰乃女其悉自學

猶如置物於掌中也中庸

功悉盡也學効也傳曰當其効功也於卜洛邑營成周

改正朔立宗廟序祭祀易犧牲制禮樂一統天下合和

四海而致諸侯皆莫不依紳端冕以奉祭祀者

紳大其帶也

下莫不自悉以奉其上者莫不自悉以奉其祭祀者此

之謂也盡其天下諸侯之志而効天下諸侯之功也廟

者貌也其以貌言之也宮室中度衣服中制犧牲中辟

辟法殺者中死割者中理搏弁者為文搏弁或為振非當言帚繫

竈者有容極杙者有數杙者繫牲者也大廟之中續乎其猶模

繡也言文章之可觀也天下諸侯之悉來進受命於周

公而退見文武之尸者千七百七十三諸侯八州州二百一十國

畿內九十三國此周所因於殷九州諸侯之數皆莫不磬折玉音金聲玉色音玉

金聲言弘然後周公與升歌而弦文武與諸侯升歌文殺之調也王武王之德又

以琴瑟播之

諸侯在廟中者伋然淵其志和其情

伋讀曰播播然變動

貌

愀然若復見文武之身然後曰嗟子乎此蓋吾先君

文武之風也夫

子成王也

及執俎抗鼎執刀執匕者負膺而

歌憤於其情發於中而樂節文

卑賤者尚然而況尊貴者乎

故周人

追祖文王而宗武王也是故周書自泰誓就召誥而盛

於洛誥故其書曰揚文武之德烈奉對天命和恒萬

邦四方民是以見之也孔子曰吾於洛誥也見周公之

德光明于上下勤施四方旁作穆穆至于海表莫敢不

來服莫敢不來享以勤文王之鮮光以揚武王之大訓

而天下大洽故曰聖之與聖也猶規之相周矩之相襲

也尚書大傳

高宗祭成湯有飛雉升鼎耳而雝耳不聰之異雝鳴

祖已訓諸王

賢臣也以訓道諫王

作高宗彤日高宗之訓

彤音融所以訓也

亡

疏曰高宗祭其太祖成湯於彤祭之日有飛雉來

升祭之鼎耳而雝鳴其臣祖已以為王有失德而致此

祥遂以道義訓王勸王改修德政史叙其事作高宗彤

日高宗之訓二篇經言彤日有雝雝不知祭何廟鳴何

處故序言祭成湯升鼎耳以足之禘祫與四時之祭祭

之明日皆為彤祭不知此彤是何祭之彤也洪範五事

有貌言視聽思若貌不恭言不從視不明聽不聰思不

睿各有妖異興焉雝乃野鳥不應入室今乃入宗廟之

內升鼎耳而鳴孔以雉鳴在鼎耳故以為耳不聽之異也洪範五行傳云視之不明時則有羽蟲之孽聽之不聰時則有介蟲之孽言之不從時則有毛蟲之孽貌之不恭時則有鱗蟲之孽思之不睿時則有保蟲之孽先儒多以此為羽蟲之孽非為耳不聰也漢書五行志劉歆以為鼎三足三公象也而以耳行野鳥居鼎耳是小人將居公位敗宗廟之祀也鄭云鼎三公象也又用耳行雉升鼎耳而鳴象視不明天意若云當任三公之謀以為政劉鄭雖小異其為羽蟲之孽則同與孔意異詩云雉之朝雉尚求其雌說文云雉雄雉鳴也雷始動雉乃鳴而雉其頸名高宗之訓所以訓高宗也此二篇俱是祖已之言並是訓王之事經云乃訓于王此篇亦是訓也但所訓事異分為二篇標此為發言之端故以彤日為名下篇總諫王之事故名之訓終始互相明也肆命祖后孔歷其名於伊尹之下別為之傳此高宗之訓因序為傳不重出名者此以訓王事同因解文便作傳

不為高宗彤日

祭之明日又祭殷曰彤周曰繹疏曰釋天云繹又祭也周曰繹商曰彤

孫炎曰祭之明日尋繹復祭也彤者相尋不絕之意春秋宣八年六月辛巳有事於大廟壬午猶繹穀梁傳曰繹者祭之旦日之享實也是彤者祭之明日又祭也爾雅因繹祭而本之上世故先周後商此以上代先後故與爾雅倒也釋天又云夏曰復昨郭璞云未見所出或無此一句孔傳不言夏曰復昨於義非所須或本無此

事也儀禮有司徹上大夫曰饋尸與正祭同日鄭康成注詩鳧鷖云祭天地社稷山川五祀皆有繹祭

宗彤日越有雉雉

於彤日有雉異疏曰高宗既祭成湯彤祭之日於是有雉鳴之雉在於

鼎耳此乃怪異之事賢臣祖已見其事而私自言曰惟先世至道之王遭遇變異則正其事而異自消也既作此言乃進言訓王史錄其事以為訓王之端也祖已曰惟先格王正厥事

言至道之



王遭變異正其事而異自消 疏曰格訓至也至道之  
王謂用心至極行合於道遭遇變異改修德教正其事  
而異自消大戊拱木武丁雖雉皆感變而懼殷道復興  
是異自消之驗也至道之王當無災異而云遭變消災  
者天或有譴告使之至道未必為道不至而致此異  
此勸戒之辭不可執文以害意也此經直云祖已曰  
不知與誰語耳鄭云謂其黨王肅云言于王下句始言  
乃訓于王此句未是告王之辭私言告人鄭說是也  
乃訓于王曰惟天監下民與厥義 祖已既言遂以道訓  
義為常 疏曰祖已既私言其事乃以道訓諫於王曰  
惟天視此下民常用其義言以義視下觀其為義以否  
其下年與民有長者有不長者言與為義者長不義者  
短短命者非是天欲天民民自不修義使中道絕其性  
命但人有為行不順德義有過不服聽罪過而不改乃  
致天罰非天欲天欲天也天既信行賞罰之命正其馭民

之德欲使有義者長不義者短  
王安得不行義事求長命也

降年有永有不永非天

天民民中絕命

言天之下年與民有義者長無義者不長非天欲天民民自不修義以致絕命

疏曰經惟言有永有不永安知由義者以上句云惟天監下民典厥義天既以義為常知命之長短莫不由

義故云天之下年與民有義者長無義者不長也民有五常之性謂仁義禮智信也此獨以義為言者五常指體則別理亦相通義者宜也得其適宜五常之名皆以適宜為用故稱義可以總之也民有貴賤貧富愚智好醜不同多矣獨以天壽為言者鄭玄云年命者蠢愚之人尤惛焉故引以諫王也惛貪也洪範五福以壽為首六極以短折為先是年壽者最是民有不若德不聽罪人之所貪故祖已引此以諫王也

天既孚命正厥德

不順德言無義不服罪不改修天已信命正其德謂有永有不永疏曰

傳亦顧上經故不順德言無義也聽謂聽從故以不聽  
為不服罪言既為罪過而不肯改修也天已信命正其  
德言天自信命賞有義罰無義此事必信也天自正其  
德福善禍淫其德必不差也謂民有永有永不永天隨其  
善惡而報之勸王改乃曰其如台祖已恐王未受其言  
過修德以求永也

我所言疏曰祖已恐其言不入王意又歎而戒之嗚  
呼王者主民當謹敬民事民事無非天所繼嗣以為常  
道者也天以其事為常王當繼天行之祀禮亦有常無  
得豐厚於近廟若特豐於近廟是失於常道高宗豐於  
近廟欲王服嗚呼王司敬民罔非天膺典祀無豐于昵  
罪改修也

膺嗣昵近也歎以感王入其言王者主民當敬民事民  
事無非天所嗣常也祭祀有常不當特豐於近廟欲王  
因異服罪改修之疏曰膺嗣繼也俱訓為繼是膺得  
為嗣嗣亦繼之義也釋詁云即尼也徐炎曰即猶今也

尼者近也郭璞引尸子曰悅尼而來遠是尼為近也尼與昵音義同烝民不能自治立君以主之是王者主民也既與民為主當敬慎民事民事無大小無非天所嗣常也言天意欲令繼嗣行之所以為常道也祭祀有常謂犧牲粢盛樽彝俎豆之數禮有常法不當特豐於近廟謂犧牲禮物多也祖已知高宗豐於近廟欲王因此雒雒之異服罪改修以從禮耳其異不必由豐近而致之也王肅亦云高宗豐於禰故有雒雒升遠祖成湯廟鼎之異書

高宗彤日

傳說曰黷于祭祀時謂弗欽禮煩則亂事

神則難祭

不欲數數則黷黷則不敬事神禮煩則亂而難行高宗之祀特豐數近廟故說因以戒之

疏曰祭不欲數數則黷黷則不敬禮記祭義文也此一經皆言祭祀之事禮煩亦謂祭祀之煩故傳總云事神禮煩則亂而難行孔以高宗彤日祖已訓誥王祀無豐于昵謂傳說此言為彼事而發故云高宗之祀特豐數

於近廟故說因而  
戒之 書說命中

子曰生事之以禮死葬之以禮祭之

以禮人

之事親自始至終一於禮而不苟其尊親也至矣  
胡氏曰人之欲孝其親心雖無窮而分則有限得

為而不為與不得為而為之均於不孝所謂  
以禮者為其所得為者而已矣 論語為政

子路曰吾聞諸

夫子喪禮與其哀不足而禮有餘也不若禮不足而哀

有餘也

喪主哀 疏曰此一節論喪主哀祭主敬之事  
吾聞諸夫子者諸之也據所聞事於孔子也喪

禮與其哀不足而禮有餘也此所聞事喪禮居喪之禮  
也與及也禮有餘明器衣衾之屬也言居喪及其哀少  
而禮物多也不若禮不足而哀有餘也者 祭禮與其敬  
若物多而哀少則不如物少而哀多也

不足而禮有餘也不若禮不足而敬有餘也

祭主敬  
疏曰祭禮

與其敬不足而禮有餘也者祭禮謂祭祀之禮也而禮有餘謂俎豆牲牢之屬多也言敬少而牢多也不若禮不足而敬有餘也者若牲器多而敬少則不如牲器少而敬多也曲禮上 祭祀之有尸

也宗廟之有主也示民有事也修宗廟敬祀事教民追

孝也

有事有所尊事也

疏曰示民有事也者言所以

祭祀有尸宗廟有主者下示於民有所尊事故也

修宗廟敬祀事

教民追孝也者言人君修立宗廟恭敬祀事者下教於民追孝於親也

以此坊民

民猶忘其親

尸飲三衆賓飲一示民有上下也

上下猶尊卑也

主人主婦主賓獻尸乃後主人降洗爵獻賓

曰尸飲三衆賓飲一

示民有上下也者言尊上者得酒

疏

多卑下者得酒少是示民有上下也又知主人主婦上賓獻尸乃後主人降洗爵獻賓者儀禮特牲文也

七日戒三日齊承一人焉以為尸過之者趨走以教敬

也

齊側皆反 戒謂散齊也承猶事也 散悉但反 疏曰七日戒者謂散齊也三日齊者謂致齊也承一

人焉以為尸者謂承奉 醴酒在室醕酒在堂澄酒在下

示民不淫也

醕音體 淫猶貪也 澄酒清酒也三酒尚 質不尚味 疏曰示民不淫也者淫猶貪

也然醴齊醕齊澄酒味薄者在上味厚者在下貴薄賤 厚示民不貪淫於味也又曰澄酒清酒也謂澄齊也以

其清於醴齊醕齊故云清酒也以此三齊皆云酒故知 澄酒惟澄齊也禮運云玄酒在室醴醕在戶粢醕在堂

澄酒在下彼陳酒事故鄭分釋澄為沈齊酒為三酒也 以此云示民不淫故知非三酒以三酒味厚美故也禮

運云醴醕在戶此云在室不同者在戶之內則是在 室也但禮運有玄酒在室之文故云醴醕在戶爾 因


其酒肉聚其宗族以教民睦也

言祭有酒肉葷昭葷穆皆至而獻酬之咸有薦

俎疏曰因其酒肉聚其宗族以教民睦也者謂因其祭祀之酒肉於祭祀之末聚其宗族昭穆相獻酬教民

相親睦也

坊記



儀禮經傳通解續卷二十九